

L'EXECVTION
DE IYSTICE FAICTE EN
ANGLETERRE, POVR MAINTENIR
la Paix publique & Chrestienne, contre
les auteurs de sedition, adherens
aux traistres & ennemis du Royau-
me : sans aucune persecution contre
eux esmeuë, pour matiere de religiõ,
comme il a esté faucement aduancé
& publié, par les fauteurs & nour-
riciers de leurs traïsons.

*Descrite premierement en Anglois, puis tradui-
te en langue Françoisse, en faueur des au-
tres nations & personnes, qui
ont l'usage d'icelle.*



*Lier Sannitio.
avec l'honneur &
lame. Arte, &
marke*

Le 30. de Ianuier 1584. Et du regne D'ELI-
ZABETH, par la grace de Dieu heu-
reusement regnante L'AN 26.

EXPOSITION

DES ARTS ET DES MÉTIERS

FAITE EN

1789

PAR

LE ROY

ET

PAR

LE PEUPLE

FRANÇOIS

ET

PAR

LE

PEUPLE

FRANÇOIS

ET

PAR

LE

PEUPLE

FRANÇOIS

ET

PAR

LE

PEUPLE

FRANÇOIS

ET

PAR

LE

PEUPLE

FRANÇOIS



L'EXECUTION DE

IVSTICE FAITE EN ANGLE-

terre, pour maintenir la Paix publique

& Chrestienne, contre les au-

theurs de sedition, &c.



A ESTE', pour la plus
part, en tous aages & tou- Tous mal-
fai-cteurs deguisent
leurs actions par
causes contrai-
res.
tes regions, vne pratique
commune à tous mal-fai-
cteurs, tant grans que pe-
tis, de defendre leurs a-
ctions meschantes & ille-
gitimes, par faucetez, en coulourât & couurant
leurs faiçts, pour detestables qu'ilz fussent, avec
pretences d'autres causes de contraires opera-
tions & effects: & ce pour non seulement eui-
ter punition & deshonneur: mais continuer,
soustenir & poursuyure leurs meschans atten-
tats, & ainsi plainement satisfaire à leur desor-
donnez & malicieux appetis. Et comme telle
ait esté la pratique de tous malfaiçteurs, neant- Les Rebelles
courent leurs
malefices, avec
tresgrand dom-
mage.
moins de nuls avec plus grand danger, que des
Rebelles & Traistres à leurs legitimes Prin-

L'EXECVTION DE IUSTICE

ces, Rois & patries. De laquelle sorte, en ces dernieres années sont, entre autres, remarquables, aucuns naiz naturellement subiects des Royaumes d'*Angleterre* & d'*Irlande*, lesquels, ayans assez longs temps exterieurement professé leur obeissance, vers leur souueraine Dame la *Royne Elyzabeth*, ont neantmoins par apres esté excitez & seduis par des mauuais esprits, premierement en *Angleterre* par maintes années cy deuant, puis en second lieu n'agueres en *Irlande*, pour entrer en rebellion ouuerte, prenans les armes & se mettans aux champs contre sa Maiesté & ses Lieutenans, avec leurs forces, soubz enseignes desployées, & induisans par faucetez notables, beaucoup de simple peuple à les suyure & leur assister, en leurs proditoires entreprinſes. Et encores qu'il soit tresbien cogneu, que leurs deſſains & actions manifestes, tendoyent à depoter la Maiesté de la *Royne* de sa couronne, & par traison, colloquer quelque autre à leur gré, en sa place: (A quoy si on n'eust résisté promptement, ils eussent commis beaucoup de sanglans meurtres, des fidelles subiects de sa Maiesté & ruiné le pais de leur naissance.) Toutesfois, par la puissance que Dieu à donné à sa Maiesté, ilz furent si soudain vaincus, que peu d'iceux en patirent selon les Loix, comme ilz auoyent

meri-

Rebellion en Angleterre & Irlande.

Les Rebelles vaincus par le pouuoir de la Royne.

merité : plusieurs & la plus grand part, receurent pardon en confessant leurs fautes : le reste (mais peu) des principaux s'enfuirent es pais estranges. Or la pource qu'en nuls ou peu d'endroits, les rebelles & proditeurs de leurs Princes naturels & patrie, n'osent de prime face requérir confort & ayde, pour leur traisons : ces traistres & rebelles signalez, ont faucement informé plusieurs Rois, Princes & Estats, & notamment l'Euesque de *Rome* communement appelé le *Pape* (duquel eux tous ont eu secrettement leur premiere assistance en leurs rebellions) que la cause de leur fuite hors de leur pais, estoit pour la religion *Romaine* & pour maintenir l'autorité du *Pape*. Et neantmoins plusieurs d'entre eux, pour la pluspart de leur vie, deuant leur rebellion, viuoient si notoirement hors de toute reigle, soit pour l'honesteté des meurs, soit pour le sentiment de quelque religion, qu'ilz pouuoient plustost estre comptez entre les familiers de *Catilina*, ou mignons de *Sardanapalus*, que bons subiects de quelque Prince Chrestien. Comme pour exemple des chefs de ces rebellions, *Charles Neuill* Comte de *Westmerland* s'en est fuy d'*Angleterre*, homme entierement gasté par dissolution de vie, & par punition Diuine mesme au temps de sa rebellion, priué de ses

Aucuns des Rebelles fugitifs en pays estranges.

Les Rebelles pre-tendans la religion pour leur defence.

L'EXECVTION DE IVSTICE

enfans qui luy deuoyent succeder au Comté
 & duquel le corps est maintenant mágé d'vl-
 cères, pour causes infames: tellement qu'au
 rapport de ses propres complices, nul de ses
 ennemis, ne luy pourroit desirer punition plus
 honteuse: perte lamentable pour le Royaume,
 en vne si noble maison, qui parcy deuant en
 aucū aage, ne fut oncques atteinte de desloyau-
 té. Et hors d'Irlande s'est euadé vn certain
Thomas Stukeley, personnage diffamé pres-
 que par toute la Chrestienté, & plustost vne
 beste sans foy, qu'vn homme, s'en estant fuy
 premierement d'Angleterre pour les piracies
 signalees, & d'Irlande pour fauetez irremisi-
 bles, lesquels deux, menoyent la danse du reste
 des rebelles, l'vn pour l'Angleterre, l'autre
 pour d'Irlande. Mais nonobstant la vie notoi-
 rement mauuaise & meschante, d'eux & de
 leurs autres confederez, vuides de toute reli-
 gion Chrestienne, il à pleu à l'Euesque de Ro-
 me, comme en faueur de leurs traisons, non de
 coulorer leurs fautes (commē eux ouuertemēt
 pretendēt faire, pour eūiter le blasme commun
 du monde,) mais du tout les animer à conti-
 nuer leur premier meschant desseing, c'est à di-
 re, à prendre les armes contre leur Royne le-
 gitime, inuader son Royaume avec forces e-
 strangeres, & poursuivre tous ses bōs subiects

Chefs des Re-
 belles Charles
 Neuell Comte de
 Westmerland &
 Thomas Stuke-
 ley.

& leur propre païs, au feu & à l'espee. Pour l'auancement desquelles choses, il auroit quelques anneés au parauant à diuerses fois, procédé, comme en tonnànt, par *Bulles*, *Excommunications* & autres escrits publics, denonçant sa Maieité, qui est *Royne* legitime conſacrée & ſeruant de Dieu, n'eſtre point *Royne* de ce Royaume: chargeant & commandant ſous peine d'excommunication, à tous ſes ſubiects, ſe departir de leur naturelle obligation, à laquelle, de naiſſance & de ſermēt ils eſtoient obligez: prouoquant auſſi & authorizāt toutes perſonnes, de tous degrez, dans l'vn & l'autre Royaume, à ſe rebeller. Or ſous ceſt adueu d'Antechriſt, contraire à toutes loix diuines & humaines, & nullement conuenable à vn paſteur, non ſeulement toute la racaille des ſuſdicts traîtres deſjà fugitifs, mais auſſi tous les autres qui ont abandonné leur propre païs, de diuerſes qualitez & condiōs, aucuns n'ayans moyen de viure chez eux qu'en mendiant, aucuns malcontents par défaut de preferences, apres leſquelles ils alloient baillans indignement, tant aux vniuerſitez qu'autres places, autres, marchans banqueroutiers, autres, aucuns nemens doctes à contentions, n'eſtans contents d'apprendre l'obeiſſance aux loix du païs: tels di je, courans pluſieurs anneés, hault & bas, &

Effet de la Bulle Papale contre la Royne d'Angleterre.

L'EXECVTION DE IYSTICE

de païs en païs, ont pratiqué, l'un en un coin l'autre en l'autre, les vns s'employans à chercher forces & argent, autres, à l'instigatiō des Princes, par faux rapports, pour faire guerre à leur propre patrie: autres, à pratiques au dedās, pour assassiner LA PLUS GRANDE: aucūns, en escrits seditieux, & grand nombre, de n'agueres, en libelles diffamatoires, plains de meschantes inuectiues & mēsonges empoisonnez: le tout, pour maintenir le decret Antichristian & tyrannique, de la *Bulle* du Pape. Outreplus, à fin par autres moyens d'auancer leurs intentions, pource que promptemēt ilz ne pouuoient pas preualoir par voye de force, trouuans les Princes estrangers mieux aduisez, & mal enclins à leurs peruers desseings, il fut par eux proiecté, de dresser certaines escholes, qu'ils appellent *Seminaires*: à fin de nourrir & esleuer personnes naturellement disposees à seditiō, pour continuer cette course & facon, & se faire maistres *Semeurs* en leur labourage de sedition: Et lors, les enuoyer en *Angleterre & Irlande*, Royaumes de sa Maiesté, couuers des masques les vns de prestise, les autres, d'ordres inferieurs, avec titres de *Seminaires*, pour les moindres, & de *Iesuites*, pour les principaux & plus corumpus. Mais encores, ils rampent si finement au païs, qu'ilz n'apporterent point

Pratiques des traistres & Rebelles fugitifs pour executer la Bulle.

Seminaires erigez pour nourrir les seditieux fugitifs.

point les marques de leur prestise avec eux: mais en diuers coings des Seigneuries de sa Maiesté, ces *Seminaires*, ou *Semeurs & Iesuites*, portans avec eux certaines babioles de *Rome*, comme de leur sainte Cire, leur *Agnus Dei*, leurs graines, & diuerses sortes de chapeletz, & choses semblables, ont, comme bons laboureurs, trauaillé à persuader le peuple secrettement, d'aduouier la susdite *Bulle* & decret du *Pape*, & son autorité absoluë sus tous Princes & Contrees, & esmeu plusieurs avec pointures de conscience, à y rēdre obeissance. Par lesquels moyens, en peu de temps, si ce meschant, dangereux, traistre, & cauteleux progres, n'eust esté, par la bonté de Dieu, decouuert & retardé, dela fust ensuiuy vn danger imminent, d'horribles seditions en ces Royaumes, avec vne sanglante & certaine destruction, d'vn grand nombre de Chrestiens. Car il ne se peut nier, qu'autant qu'il y en eust eu d'induits & entierement persuadez, d'obeir à ce meschant decret des *Papes*, & au contenu d'iceluy, ilz n'eussent esté cōsequemment, en leurs cœurs & consciences, traistres secrets: & pour estre defaict coupables & traistres ouuers, rien ne leur eust defailli que l'opportunité, pour esprouuer leur force, & s'assembler en grand nombre avec armes, selon qu'ilz ont

*Les Seminaires
fugitifs courent
au Royaume,
pour induire le
peuple d'obeir à
la Bulle du Pa-
pe.*

peu presumer d'estre le plus grand parti : & ainsi par vne guerre ciuile ouuerte, paruenir à leurs meschans desseings. Mais la bonté de Dieu, par laquelle les Rois gouuernent, & par le souffle duquel les traistres sont communement destruits & confondus, à d'autre part donné à sa Maiesté, comme à sa chambriere & chere seruante, qui gouuerne soubz luy, l'esprit de sagesse & de force : par lequel elle à pourueu, que aucuns de ces seditieux Semeurs de rebellion, ayent esté descouuers en leurs secrettes tasnieres, apprehendez, & conuaincus és precedens poincts & chefz de traison, sans entremise aucune és matieres de religion, ains purement & simplement ont esté condamnez selon les loix, comme traistres. Auquel temps, bien qu'on ait employé toutes manieres & voyes douces de persuation, pour les esmouuoir à desister de telles desloyales entreprises & opinions, avec offre de grace & pardon: neantmoins le chancre de leurs humeurs rebelles, estoit si profondement entré & enraciné ez cœurs de plusieurs d'iceux, qu'ils ne voulurent estre distraitz de leur traistresses resolutions. Et pourtant comme traistres manifestes, en maintenant & adherant au capital ennemy de sa Maiesté & de sa couronne, qui non seulement à esté cause de deux rebellions

desia

Semeurs de sedition prins, condamnés & exécutés pour traison.

desia passees en *Angleterre & Irlande* : mais en ce faict d'*Irlande*, à manifestement gagé & maintenu des Capitaines & soldats d'entre les subiectz, soubz la banniere de Rome, contre la Maïesté, tellement qu'aucun ennemy ne pourroit faire d'auantage. Tels, di-je, ont iustement souffert la mort : non en vertu ou par la formalité de quelques loix nouuellement establies, soit pour la Religion, ou contre la primauté du *Pape*, comme les semeurs de libelles diffamatoires le voudroyent faire croire : mais par les anciènes loix politiques du Royaume : & nommement par les ordonnances du Parlement, tenu au temps du Roy *Edouard* troisieme, enuiron l'an du Seigneur 1330. il y a enuiron 200. ans passez & plus, quand les Euesques de Rome & *Papes*, furent souffers auoir leur autorité ecclesiastique en ce Royaume, comme ils auoyent en plusieurs autres contrees. Mais encore de cette espee de mal-faïcteurs, autant qu'il y en a eu qui apres leurs condamnations, ont esté contens de renoncer à leurs precedentes proditoires assertions, autant y en a il eu despargnez de l'exécution, qui viuent encores iusques à ce iour : tant a esté la volonté de la Maïesté, eslongnée de l'effusion du sang, hors mis ceste vrgente, iuste & necessaire cause, & encores ne procedant que deux.

Les traistres seditioneux condamnés par les loix Anciennes du Royaume, faictes 200. ans sont passez.

Personnes condamnées, & non exécutées, pour auoir reietté leurs opinions de traison.

*Les traistres de
dehors continuent
d'enuoyer gens
au Royaume,
pour esmeuoir
sedition.*

mesme. Et neantmoins ces reliques de traistres, qui demeurent és païs estranges, continuans tousiours en leur propos de rebellion, & se gardans finement esloignez des coups, ne cessent de prouoquer plusieurs autres seditieux de petite qualité, à se couler secrettement en ce Royaume, pour renoueler les premieres pratiques seditieuses, par l'execution des precedentes *Bulles des Papes*, contre la Maiesté & le Royaume. Or ceux-cy quand ils sont apprehendez, aileguent qu'ilz sont seulement venus en ce Royaume, par le commandement de leurs superieurs, les chefz des *Iesuites*, (auxquels ilz se disent obligez par serment, enuers tous, & contre tous, soyent Roys, soyent contrées:) & ce pour informer & reformer les consciences des hommes de leurs erreurs, en certains poincts de la religion, selon qu'ilz pensent estre conuenable. Mais neantmoins, en pure verité, il se prouue clairement que tout le but de leurs secrets traualx, tend secrettement à gaigner le peuple, avec lequel ilz osent traiter, pour tellemēt faire approuuer lesdictes bulles & l'autorité du *Pape*, sans exception, qu'en obeissant à icelles, ilz se tiennent du tout deschargez de leur obligation & obeissance, enuers leur legitime Princeesse & patrie: voire pour s'estimer bien garantis de prendre les ar-

mes

mes & se rebeller contre sa Maïesté, quand ilz y seront conuiez : & pour estre secrettement prestz à se joindre aux forces estrangeres, qui pourront estre sollicitées à inuader le Royaume : En quoy aussi par vn long temps, il leur ont donné, comme encores ilz font, pour auancer leurs desseings, esperance non petite de bon succes. Ainsi, il s'ensuit, que l'effect de leur trauail, est, d'amener le Royaume non seulement en vne guerre dangereuse, contre les forces estrangeres (desquelles il a esté libre enuiron vingt & trois, ou vingt & quatre ans, cas fort memorable & malaisé d'estre egallé à aucun exemple semblable :) mais aussi en guerre domestique & ciuile, en laquelle, coutumierement, nul sang n'est espargné, ny mercy concedée : & où, ny le vainqueur, ny le vaincu ne peuuent auoir iuste cause de triomphe.

*Les seditieux fa-
gits & trauail-
lent pour amener le
Royaume en
guerre externe
& domestique.*

Or pource que ce sont trespasseurs perils, qui necessairemēt s'ensuyuroient, si cette espee de vermine, estoit soufferte ramper furtiuement en ce Royaume, & y espandre son poison. Toutes les fois questans prins, comme hypocrites ils coulorent & desguisent leur faict, avec profession de deuotion en religion, c'est à toutes personnes de ceder à la raison : à sçauoir que sa Maïesté & ses Gouverneurs & Magi-

*Le deuoir de la
Royne, & de tous
ses bons gouver-
neurs enuers
Dieu & leur pa-
trie, est de re-
pousser les prati-
ques de rebellion.*

strats en la Iustice, ayans soing de maintenir la paix du Royaume (laquelle Dieu à concedé en son regne continuer plus longuemēt, qu'en aucun autre temps de ses predecesseurs) sont obligez de deuoir enuers le Dieu tout-puissant, autheur de paix, & selon le naturel amour & obligation à leur patrie, & pour euitier l'effusion de sang qu'on voit courir & flotter es guerres ciuiles, d'empescher & repousser, par tous possibles & legitimes moyens, aussi bien par l'espée que par la loy, chacune en leurs saisons distinctes, ces tant dangereuses & fardées pratiques & effects de sedition & rebellion. Mais combien qu'il y ait plusieurs subiectz cogneuz en ce Royaume, differēs en quelques opinions de religiō, d'auec l'Eglise *Anglicane*, & qui ne sabstiennent d'en faire profession, neantmoins, entant qu'ils professent aussi loyauté & obeissance à sa Maiesté, & s'offrent alaigrement pour la defence de sa Maiesté, de s'opposer & resister à toute force estrangere, bien qu'elle vint ou fust procurée par le *Pape* mesme: nuls de cette sorte, pour leurs opinions contraires en religion, ne sont poursuyuis ou chargez d'aucuns crimes ou paines de traison, ny encores recherchez en leurs cōsciencies, pour leurs opinions contraires, ne resentantes rien de la traison. Et de cette sorte il y a eu & y a bon

*Nul n'a esté
chargé de crime
capital, estant
contraire en re-
ligion: mais pro-
fessant de resi-
ster aux forces
estrangees.*

bon nombre de personnes, non de bas & vulgaire estat, comme estoient ceux qui de n'agueres ont esté executez : ainsi qu'en particulier aucuns sont bien cogneus, nom par nom, desquels il n'est hors de propos, de faire icy mention.

Le premier & principal en estat, estoit *D. Heth*, Archeuesque d'*Torke* & seigneur Chancelier d'Angleterre, au temps de la Royne *Marie* : lequel au premier aduenement de sa Maiesté à la couronne, se monstrant fidelle & paisible subiect, continua en l'un & l'autre desdicts offices, encores qu'alors il fust manifestement different en religion, & oncques ne fut restraint en sa liberté, ny priue de ses biens & possessions : mais laissant volontairement ses deux estats, à vescu en sa propre maison fort discrettement, iouissant de toutes ses terres acquises, tout le cours naturel de sa vie, iusques à ce qu'en grand aage il est departi du monde : & lors à laissé sa maison & ses reuenus a ses amis : exemple de courtoisie, qui ne trouue son pareil au temps de la Royne *Marie*.

Le semblable fut faict enuers vn *D. Poole*, qui a esté Euesque de *Peterbrough*, vn ancien graue personnage, & subiect fort paisible. Il y en a eu aussi, qui ont esté Euesques & en grand renom, comme le *D. Tunstall* Euesque

Noms de diuerses personnes d'Eglise qui professans religion contraire, n'ont oncques esté chargez de crimes capitaux.

de *Duresme*, personnage de grande reputation, & tout le temps qu'il à vescu, d'un paisible comportement: Autres en cas pareil ont esté, comme le *D. VVhit*, & le *D. Oglethorpe*, l'un Euesque de *VVincester*, l'autre de *Carlile*, hommes d'une nature benigne, & celui de *Carlile*, tellement enclin à un franc deuoir enuers la Maiesté de la *Royne*, qu'il fit l'office en la consecration & couronnement de sa Maiesté, au temple de *VWestminster*. De ce rang sont le *D. Turleby*, & le *D. VWatson*, l'un Euesque d'*Ely*, homme d'un naturel affable, l'autre de *Lincolne*, encores viuant, & du tout rebarbatif: ausquels, peut estre adiousté, un *Turberuile*, lors Euesque d'*Exceter*, honeste gentil-homme, mais tout simplement Euesque, qui à vescu en sa liberté, iusques à la fin de sa vie. Or nuls deux tous n'ont esté aucunement pressez par aucune paine capitale, combien qu'ilz maintinsent l'autorité du *Pape*, contre les Loix du Royaume. Il y en a aussi aucuns Abbes, comme *M. Fecknam* encores viuant, personnage semblablement paisible, & d'un comportement honeste par un long temps. Autres ont esté Doyens, comme le *D. Boxall* Doyen de *VVindefore*, personnage de grande modestie & science: *D. Cole* Doyen de *Sainct Paul*, homme plus diligent que discret: *D. Rains,*

nols, homme non indocte Doyen d'*Exceter*, & plusieurs autres tels, ayans eu charges & dignitez en l'Eglise, & qui auoyent faict profession d'estre cōtraires au *Pape*, laquelle ils commencerent au temps de la Roynie *Marie* à chāger. Et neantmoins iusques à ce iour ilz n'ont esté chargez d'aucunes paines capitales, ny oncques priuez d'aucuns de leurs biens & facultez, mais seulement eslongnez de leurs estats Ecclesiastiques, qu'ils ne vouloyent exercer selon les loix. Mesme la pluspart d'entr'eux, & plusieurs autres de mesme qualité pour vn long temps, furent laissez és maisons Episcopales, avec treshoneste & courtois entretènement, sans aucune charge deus ou de leurs amis, iusques au temps, que le *Pape* commença, par ses *Bulles* & messages, de troubler ce Royaume, y excitant la rebellion. Enuiron lequel temps seulement, aucuns des susdicts, estās trouuez s'entremesler en affaires d'estat, tendans à esmouuoir sedition, plus qu'il n'estoit expedient pour le repos commun du Royaume, furent chāgez en autres places plus priuées, ou certains vagabons, hommes qui seroyent pour esmouuoir seditiō, fussent empeschez d'aller & venir vers eux, pour accroistre le trouble, comme la *Bulle* du *Pape* donnoit manifeste occasion d'en d'oubter. Et en-

cores ce fut sans les charger aucunement en leurs consciences ou autrement, par quelque inquisition, qui les amenast en danger de quelque loy capitale. Tellement que nul n'a esté appelé en proces eriminal & sanglant, sur les poincts de religion, mais tous ont passé leur vie selon le cours de nature. Et tels d'entreux restent encores, qui peuuent (s'ils ne veulent estre auteurs ou instrumens de rebellion) iouir des ans que Dieu & nature leur concederont, sans aucun danger de la vie ou de perte d'aucun membre.

*Les derniers fau-
teurs de l'autho-
rité du Pape en
estoyent les prin-
cipaux aduersai-
res par leur do-
ctrines & escrits.*

Et encores est-ce chose digne d'estre bien remarquée, que les principaux deux tous & la pluspart d'iceux, auoyent au temps des Roys *Henry* huietiesme, & *Eduvard* sixiesme, en leurs presches, escrits, leçons & disputes, enseigné tout le peuple, de condamner voire d'abhorrer l'autorité du *Pape*: & à cette fin ils auoyent diuerses fois presté leurs serment publiquement, contre l'autorité du *Pape*, & auoyent aussi attribué aux deux Roys susdicts. le titre de *chef* supreme de l'Eglise *Anglicane*, immédiatement apres *Christ*: lequel titre les aduersaires escriuent & afferment tres-faiblement, estre vsuré à present par la Maiesté de la *Royne*, mensonge & fausseté tres-facile à cognoistre par les propres Actes du Parlement,

&

& par l'omission qui s'en est faicte en son stile depuis le commencement de son regne.

Et pour preuue que les susdicts Euesques & hommes de lettres, ont si long temps defauoué l'autorité du *Pape*, plusieurs de leurs Liures & Sermons touchant ce poinct, restent imprimez, tant en Anglois qu'en Latin, pour estre veus en ce temps à leur grand honte & diffame, en ce qu'ils se transformēt si souuent, mesmement en persecutant ceux qu'eux-mesmes auoyent enseignez, & confirmez à tenir le contraire: peché non eslongné du peché contre le saint Esprit.

Il y a eu aussi, comme encores il y a grand nombre d'autres hommes Laiz, ayans grans terres & possessions, hommes de grand credit en leurs Prouinces, manifestement n'agueres seduiets, à tenir opinions contraires en religion, pour l'autorité du *Pape*. Et toutesfois, nul d'iceux n'a esté recherché sur cela, pour estre en peine sus quelques poinct ou accusation de traison, soit de perte de vie, de membres, ou d'heritage. En sorte qu'il appert clairement, que ce n'est ny n'a esté pour contraires opinions en religion, ou pour l'autorité du *Pape* seulement, comme les aduersaires publient fausement & hardiment., qu'aucun à souffert mort, depuis le regne de sa Maiesté, &

Grand nombre d'hommes Laiz, & de grans reuenus estans de contraire religion, iamaiz chargez de crime capital.

Nul chargé de crime capital pour maintenir seulement l'authorité du Pape.

neantmoins, aucuns de cette sorte sont bien cogneus tenir ceste opinion, que le *Pape* par l'autorité de la parole de Dieu, doit estre supreme & seul *Chef* de l'Eglise Catholique, par le monde vniuersel, pour gouverner seul en toutes causes Ecclesiastiques: & que la Maiesté de la *Royne*, ne doit auoir le gouvernement sus aucuns de ses subiects en ce Royaume, qui sont personnes Ecclesiastiques. Mais nonobstant que telles opinions sont en quelques sortes punissables par les loix du Royaume, en autres degrez, si est-ce que pour nul de ces poincts, il ny a aucun qui ait esté poursuyui avec accusatiō de traison, ny en dāger de sa vie.

Ceux'la seuls
condemnez pour
traison, qui main-
tiennent les ef-
fects de la Bulle
du Pape contre
le Royaume.

IIII. Poincts
de Traison.

Ainsi donc, s'il estoit enquis pour quelle cause ces autres ont nagueres enduré la mort, on peut veritablemēt respondre, comme souuent il a esté repeté, que nul n'a esté accusé de traison, au danger de sa vie: sinon ceux qui maintenoyent obstinément le contenu de la *Bulle* du *Pape*, cy dessus mentionnée, laquelle porte que sa Maiesté n'est point legitime *Royne d'Angleterre*, qui est le chef premier & principal de traison: & que tous ses subiects sont deschargez de tous leurs sermēs & obeissance, qui est vn second chef de traison: & que tous sont garentis de desobeir à elle & à ses loix, troisieme & bien ample article de traison.

son. A quoy faut adiouster vn quatriefme article tres-manifeste, en ce qu'ilz ne veulent desauoir les actes d'hostilité du *Pape*, en guerre ouuerte, contre sa Maiesté en son Royaume d'*Irlande*. Auquel lieu vn certain *D. Sanders*, de leur société, malin escolier & subiect fugitif d'*Angleterre*, principall compagnon & conspirateur avec les traistres & rebelles à *Rome*, fut enuoyé pour commander, par speciale commission du *Pape*, comme en forme de *Legat*, & quelquesfois cōme receueur & payeur des bandes en ces guerres. Or ce *Docteur Sanders*, en son liure de la Monarchie de son Eglise, deuant qu'il passast en *Irlande*, auoia ouuertement & en brauant par escrit, la *Bulle* de *Pius cinquiesme* contre sa Maiesté, estre legitime; affermant, ce qui estoit vray, qu'en vertu d'icelle, vn certain *Docteur Morton*, vieil Anglois fugitif & conspirateur, fut enuoyé de *Rome* en *Angleterre*, vers les quartiers du *North*, pour la, susciter la premiere rebellion: de laquelle *Charles Nenill*, le dernier Comte de *Westmerland*, estoit le principal capitaine.

Et par là, il peut apparoir clairement à tous hommes, que cette *Bulle*, estoit le fondement des rebellions, tant en *Angleterre* qu'*Irlande*: & que pour l'auoir maintenüe, & semé fedition soubz l'auen & approbatiō d'icelle, ceux-

*La defence de la
Bulle du Pape
par le D. San-
ders.*

*Ceux qui ont esté
executez, ont esté
condamnez
pour Traison, &
non pour Religio.*

là furent iustement condamnez de traison, & legitimement executez, par les anciennes loix politiques du Royaume, sans charge d'aucune autre matiere, que pour leurs pratiques & cōspirations, tant dehors que dedans, contre la *Royne* & son Royaume: pour auoir defendu ladiète autorité du *Pape* & de la *Bulle*, publiée, pour priuer sa Maiesté de sa Couronne: pour auoir reconcilié ses subiects & iceux sustraiets de l'obeissance deuë à sa Maiesté & à leur patrie, iusques à les auoir esmeuz à sedition. C'a donc esté pour telles & non pour autres causes, ou questions de religion que ceux-là ont esté condamnez. Bien est il vray, que quand ilz estoient chargez & conuaincus de ces poincts de conspirations & traisons, ilz vouloyent tousiours en leurs responcez, pretendre avec quelque couleur, leurs actions auoir esté pour la Religion: mais en effect & verité, il à paru que c'estoit pour auoir procuré & maintenu les rebellions & guerres, contre sa Maiesté & son Royaume.

*Difference de la
verité & fau-
té.*

Et en celà peut on veoir vne manifeste & considerable diuersité, entres les actions sincerez de sa Maiesté & la fauceté des calumniateurs aduersaires, entant qu'au lieu que le factieux party du *Pape*, auteur principal des inuasions contre les domaines de sa Maiesté,
alle-

allegue fausement qu'yn nombre de personnes qu'ilz qualifient Martyrs, sont mors pour la defense de la Religion Catholique, il se peut clairement verifier, qu'en pure verité ceux-là sont mors (s'ils le veulent ainsi) comme martyrs du Pape, mais neantmoins comme traistres contre leur souveraine & Royne, & adherans à celuy qui est le signalé & seul ouuert ennemy, en toutes actions de guerre contre sa Maiesté, ses Royaumes & son peuple. Et que telle soit l'intention de tous ceux qui ont obstinément maintenu l'authorité & contenu de cette Bulle, les propres paroles de la Bulle le declarent en cette maniere, selon que le D. Sanders mesme, le tesmoigne.

Une pleine preuve que les mainteneurs de la Bulle sont d'elements coupables de traison.

PIVS Quintus, Pontifex Maximus, de Apostolica potestatis plenitudine, declaravit, Elizabetham, pretensio Regni iure, necnon omni & quocunque dominio, dignitate, privilegio, priuata. Itemq, Proceres, subditos & populos dicti regni, ac ceteros qui illi quomodocunque iurauerunt, a iuramento huiusmodi ac omni fidelitatis debito, perpetuo absolutos.

C'est à dire,

Pius cinquieme, souverain Pontife, de plaine puissance Apostolique, a déclaré Elizabeth, estre priuée du droit prétendu de son Royau-

me, & aussi de toutes & chacunes Seigneuries dignitez & privileges. Ensemble que les Nobles, subiects & peuples dudit Royaume & tous autres, qui en quelque sorte que ce soit, luy ont presté serment, sont absous pour iamais, de tel serment, & tout autre deuoir de fidelité.

Et poursuit ainsi consequemment avec diuerses menaces & maledictions, contre tous ceux qui oseront obeir à elle & à ses loix.

Et pour l'execution de cela, afin de prouuer que la Bulle & message du Pape, estoit vne pure Rebellion, il n'y a point de mal d'ouyr ce que le mesme D. Sanders boutefeu du Pape en Irlande, à aussi escrit en la Monarchie de son eglise visible: Qui est tel.

D. Morton secretaire
Ambassade pour
exciter la rebel-
lion vers le
North.

Pius Quintus, Pontifex Maximus, Anno Domini 1569. Reuerendum presbyterum Nicolaum Mortonum Anglum in Angliam misit, ut certis illustribus viris, autoritate Apostolica denunciaret, Elizabetham, quæ nunc rerum potiebatur, hæreticam esse: ob eamque causam, omni Dominio & potestate excidisse, impuneque ab illis, velut Ethnicam haberi posse, nec eos illius legibus aut mandatis deinceps obedire cogi.

C'est à dire,

Pius Cinquiesme, souuerain Pontife, en l'An de nostre Seigneur 1569. enuoya, le reuerend prestre Nicolas Morton Anglois en Anglaterre,

re, afin qu'il denonçast ou declarast par l'autorité Apostolique, à certains hommes illustres, Elizabeth, qui lors estoit en possession de l'Estat, estre Heretique, & pourtant estre decheute de toute Seigneurie & puissance: & quelle peut estre reputée d'eux, comme Ethnique: & qu'ilz ne doyent estre contraincts cy apres, d'obeir à ses loix & commandemens, &c.

Ainsi voyez vous vn Ambassade de Rebellion, de par la saincteté du Pape: l'Ambassadeur vn vieil prestre Anglois, radoté, fugitif & conspirateur, enuoyé, comme il dict, à quelques hommes illustres: & iceux, sont, les deux Contes de Northumberland & Westmerland Chefs de la rebellion.

Or apres cela, il poursuit à en declarer le succez, lequel (i'ozé dire) il est deplaisant, auoir esté si mauuais, Voi-cy ses termes.

Qua denunciatione, multi nobiles viri adducti sunt, ut de fratribus liberandis cogitare auderent. Ac sperabant illi quidem, Catholicos omnes summis viribus affuturos esse: verum, et si aliter quàm illi expectabant res euenit, quia Catholici omnes, nondum probè cognouerant, Elizabetham Hereticam esse declaratam: tamen laudanda illorum Nobilium consilia erant.

C'est à dire,

Par laquelle denonciation, plusieurs illustres

hommes furent induicts & menez à ce poinct, d'ozer penser à la deliurance de leurs freres. Or esperoyent ils certainement, que tous les Catholiques leur deuoyent assister de toutes leurs forces : mais encores que l'affaire ait succedé autrement, qu'ilz n'auoyent esperé, pource que les Catholiques ne cognoissoyent pas, qu'Elizabeth estoit declarée Heretique, Toutesfois les conseils & propos de ces hommes illustres, estoient à louer.

Voy-là là Rebellion & defaictte des rebelles, bien doucement descrite.

Ce noble faict, icy descrit, fut la rebellion du North, les hommes illustres estoient les Comtes de *Northumberland & Westmerlād*, la faute en leuenement & succez, fut que les traistres furent defaictz : & que la Maiesté de la Royne avec ses subiects, eurent par l'ordonnance de Dieu la victoire. Et la cause pourquoy les Rebelles eurent du pire, fut pource que les Catholiques, n'auoyent pas esté deuëment informez, que la Maiesté de la Royne estoit declarée (comme ilz parlent) Heretique. Auquel defaut d'information, afin de rendre les rebelles plus fors en nombre & puissance, auroit esté depuis, diligemment & par grand artifice supplée, par l'enuoy d'une grande multitude de *Seminaires & Iesuites* au Royaume, des-

desquels la charge speciale estoit, d'en informer le peuple, comme par leurs actions il a paru manifestement. Supplément propre pour corriger leurs premieres fautes.

Or combien que le *D. Sanders* à ainsi escrit, toutesfois les partizans des deux notables *Iesuites*, l'un nommé *Robert Persons* (qui se cache encores de coin en coin, pour continuer ses factions de traison) l'autre nommé *Edmond Champion*, (lequel fut trouué deguisé comme un voleur, & à pati pour ses traisons) pourroyent dire, que la traison du *D. Sanders* est propre à luy seul, par l'aveu de ladicte *Bulle*, & ne doit estre imputée à *Persons* & à *Champion*. Partant, pour verifier que ces deux, par speciale autorité auoyent charge d'executer la sentence de cette *Bulle*, ces actes qui ensuiuent en feront foy, qui ne sont point contrefaictz ou imaginaires, mais sont les propres escrits, prins autour de leurs complices, incontinent apres la mort de *Champion*: combien que le dict *Champion* deuant sa mort n'a point voulu sembler s'estre meslé de tels affaires: dont il appert quel credit on doit donner aux paroles de ces faux Martyrs.

Persons & Champion sont coupables comme le D. Sanders de l'approbation de la Bulle.

FACULTATES CONCESSAE PP.

Roberto Personio & Edmundo Campiano,
pro Anglia, die 14. Aprilis. 1580.

*Prerogatives at-
cordees du Pape,
à Persons & Câ-
pion, par le Pape
Gregoire. le 13.
d'Auril 1580.*

P*Etatur à summo Domino nostro, explicatio
Bulle declaratorie per Pium Quintum, con-
tra Elizabetham & ei adhaerentes, quam
Catholici cupiunt intelligi hoc modo, ut obli-
get semper illam & Hæreticos, Catholicos verò
nullo modo obliget, rebus sic stantibus, sed tum
demum, quando publica eiusdem Bullæ executio
fieri poterit.*

Puis ensuyuent plusieurs autres demandes
de prerogatives, pour l'avancement de leur
autorité, qu'il n'est besoing de reciter, pour
ce propos: mais à la fin ensuit cette resolution
pour response du Pape.

*Has prædictas gratias, cōcessit summus Pon-
tifex, patri Roberto Personio, & Edmundo Cam-
piano in Angliam profecturis, die 14. Aprilis.
1580. Prasente patre Oliuerio Manarco assi-
stente. Lesquelles dernieres paroles signifient
en François ce qui s'ensuit.*

P R E R O G A T I V E S C O N C E -
dees aux deux peres Robert Persons &
Edmond Campion pour Angle-
terre. Le 14. iour d'Auril 1580.

S*Oit requis de nostre souverain Seigneur, l'ex-
plication de la Bulle declaratoire faicte par
Pius Cinquiesme, contre Elizabeth & ses adhe-
rens.*

rens: laquelle Bulle, les Catholiques desirent estre entendue, en cette sorte, quelle oblige tousiours icelle Elizabeth & les Heretiques, mais que les Catholiques ny soyent nullement obligez, durant l'estat auquel sont maintenant les affaires, mais lors tant seulement, que l'exécution de ladicte Bulle se pourra faire.

Puis à la fin, la conclusion est ainsi adioustée.

Le souverain Pontife, concède les graces susdictes au pere Robert Persons & Edmond Campion, qui sont sus leur voyage d'Angleterre, le 14. iour d'Auril, l'An du Seigneur 1580. present le pere Oliuerius Manarque, pour assistant.

Par cecy il appert, qu'elle autorité *Campion* auoit, de distribuer le contenu de la *Bulle*, contre la Maiesté de la *Royne*. Car, quelque chose, que luy, l'ait voulu denier: telle estoit la vraye cause de son voyage.

En quelle autorité Campion vint en Angleterre.

Mais compien qu'il soit manifeste, que ces deux Iesuites *Persons* & *Campion* non seulement ont requis d'auoir l'intention du *Pape* declarée, pour le regard de la *Bulle*, mais aussi ont montré en leurs requestes, comment eux & les autres Catholiques desirent, que ladicte *Bulle* fust entendue contre la *Royne d'Angleterre*: toutesfois pour rendre la matiere plus

esclaircie : à sçauoir , comment tous autres *Iesuites & Seminaires* , voire comment tous *Papistes* qui se disent *Catholiques* , interpretent ou sont auouez d'interpreter ladicte *Bulle* , contre la Maiesté & ses bons subiects , en quelque sorte qu'ils le vueillent déguiser , vous verrez ce que l'un de leurs compagnons nommé *Hart* , qui fut comdamné avec *Campion* , mais encores viuant , entre autres plusieurs choses declaratouchant ce qu'il cognoissoit de ce fait , le dernier de Decembre l'an 1580. en ces paroles qui ensuiuent.

*La Confession de
Hart , pour l'in-
terpretation de
la Bulle.*

La Bulle de Pius cinquiesme (entant qu'elle est contre la Royne) est tenue entre les Anglois Catholiques , pour vne sentence legitime & decharge suffisante de fidelité aux subiects , & ainsi demeure en sa force : mais en quelques poincts touchant les subiects , elle est alterée par le present Pape. Car entant qu'en ladicte Bulle il est commandé à tous ses subiects , de ne luy obeir , & quelle estant excommuniée & déposée , tous ceux qui luy obeissent sont semblablement enlacz & maudits , C'est vn poinct fort perilieux aux Catholiques . Car s'ils obeissent à elle , ilz sont en la malediction du Pape : & s'ilz luy desobeissent , ilz sont en danger de la part de la Royne. Partant le Pape qui est à present pour les soulager , à alteré cette part de la Bulle , & les

les à dispensez pour luy obeir, & la servir sans peril d'excommunication: laquelle dispensation naura vigueur, sinon iusques à ce qu'il plaise au Pape, d'en determiner autrement.

Parquoy, pour faire quelque conclusion des choses cy dessus mentionnées, toutes personnes, soit dedans soit dehors le Royaume peuuent clairement apercevoir, que tous les libelles diffamatoires, n'aguères publiez en diuers languages, & les scandaleux rapports faicts aux cours des autres Princes, qu'une grande multitude de personnes, auroient de n'aguères esté tourmentez & mis à mort, pour la seule profersion de la Religion Catholique, & non pour matieres d'Estat, contre la Maiesté de la *Royne*, sont faux & impudens; & publiez pour maintenir les Traistres & rebelles. Neantmoins pour faire sembler la chose plus horrible & lamentable, ils reciteront les noms particuliers de toutes les personnes, lesquelles n'excedent point, en l'espace de ces vingt & cinq ans, le nombre de soixante. Et cependant ils oublient, ou plustost, avec leurs cœurs de pierre & stupides ne sentét pas combié cruellement au temps de la *Royne Marie* (qui dura peu plus de cinq ans, le regne de sa Maiesté ayant continué cinq fois autant) il y eut outre ceux qui secrettement furent meurtres és pri-

Conclusion que sous les livres diffamatoires contre sa Maiesté & le Royaume sont faux.

Différence du peu de Nombre d'exécutez par l'espace de 25. ans, d'avec le grand nombre en cinq ans au regne de la Royne M. r. e.

sons, enuiron le nombre de quatre cens, d'hōmes, femmes, filles, enfans, & de ce nombre enuiron vingt, lesquels auoyent esté Archeuesques, Euesques, principaux Prelats & officiers en l'Eglise, qui par emprisonnemens, tourmens, famine, & feu, furent pitoyablemēt destruits : & des femmes enuiron soixante, & d'enfans quelque quarāte. Et entre les femmes aucunes grosses d'enfant, du corps de l'vne desquelles, l'enfant fut poussé hors tout vif, par le feu, & neantmoins cruellement bluslé : exemples surmontās la cruaute mesme des Payens. Mais encorcs, la pluspart de la ieunesse qui lors souffrit mort, tant hommes que femmes & enfans (ce qui est à noter) estoyent tels, que iamais par le sacrement du Baptēme, ou par la Confirmation, ilz n'auoyent professé, ny n'auoyent esté enseignez & instruiets, ny n'auoyēt iamais ouy parler d'autre forme de Religion. sinon de celle seule, à laquelle, par leur sang & mort, dans le feu, ilz donnoyent tesmoingnage. Matiere digne de lamentation en charité Chrestienne, avec simplicité de paroles, non avec vne eloquence enflée, bien d'autre sorte, que l'execution en ce temps, de peu de traistres, lesquels aussi en leur temps, (s'ilz surpassoyent l'aage de trente ans) auoyent, en leur Baptēme professé, & en leur ieunesse esté ensci-

enseignez en la mesme religiō, laquelle maintenant ilz oppugnent avec telle aigreur. Mais outre cela, en leurs opinions ilz sont bien differens, des Martyrs du temps de la Roÿne *Mari*. Car encores que ceux de ce temps là continuaissent en la profession de religion en laquelle ilz auoyent esté baptizez, & continuellement enseignez : Toutesfois iamais à leur mort, ilz ne denierent leur *Royne* legitime, ny ne soustindrent aucuns de ses ouuers ennemis au dehors, ny ne procurenterent contre elle aucune rebellion ou guerre Ciuile, ny ne semerent par les cornets aucune sedition en secret, contre la vie & l'Estat de leur Princeesse, ny ne retirerent aucuns subiects de son obeissance, comme ces seruiteurs iurez du *Pape*, ont faict continuellement.

Ainsi donc, ces choses bien considerées, il ny à point de doubte, que tous bons subiects dans le Royaume voyent manifestement, & tous ceux qui sont en balance (n'estans encores seduits du tout par les seditieux) apperceueront cy apres, comment ilz ont esté abusez, se laissant ainsi esgarer. Et tous estrangers, mais specialement les Potentats Chrestiens, comme Empereurs, Roys, Princes & autres semblables, ayans leurs Estats Souuerains, soit par succession hereditaire, ou par consentement

*Aduertissemens
à tous Princes
estrangez.*

de leur peuple, estans informez de ces actions dernières iustes & necessaires de sa Maiesté, entreprises seulement pour la propre defence de sa Personne, de sa Couronne & de son peuple, contre l'inuasion ouuerte, & pour euites les guerres Ciuiles, excitées par rebelliõ : Eux di-je, auouëront, en leur propre faict semblable, pour verité & regle (car c'est sans doubte qu'ilz le feront) qu'il n'appartient point à l'Euesque de *Rome*, comme successeur de *Sainct Pierre*, & en cét esgard Pasteur spirituel, ou, (s'il l'estoit,) cõme Euesque de toute la Chrestienté (ainsi que par le nom de *Pape*, il se reclame) premierement de déposer par ses *Bulles* ou *Excommunications*, en cette sorte & à son plaisir, en faueur des Traistres & Rebelles, aucuns Princes Souuerains, estans legitimemēt iuueſtis de leurs couronnes, par Succession de sang ou par Election legitime : & puis armer les subiects contre leurs naturels Seigneurs, pour faire guerre & les dispenser en ce faisant de leurs sermens : ou bien d'excommunier les subiects fidelles pour l'obeissance deuë à leurs Princes naturels, & finalement, luy mesme de faire guerre ouuerte, avec ses propres soldats, contre les Princes qui n'esmeuent aucunes forces contre luy.

Car, s'il luy estoit permis d'exercer telle
Sou-

Souueraine & Tragique puissance, lors il ny auroit Empire, Royaume, Pais, Cite ou Ville, possedee par aucun tiltre legitime plus long temps, qu'un certain homme de la terre seant (comme il dit) en la Chaire de *Sainct Pierre* à Rome, & à son plaisir & appetit (sans autre adueu ny de Dieu, ny des hommes) estime- roit & decideroit estre conuenable. Authori- té qui iamais n'a fut vsurpee, par le Seigneur des Seigneurs, le Filz de Dieu, *Iesus Christ* nostre seul Seigneur & Sauueur, & le *Chef* v- nique de l'Eglise, *cependant qu'en son humanité il a esté sus la terre*: non plus aussi delaissee par aucun escrit, ou traditiõ certaine de *Sainct Pierre*, duquel, le *Pape* pretend tirer toute son autorité: ne semblablement de *Sainct Paul* Apostre des Gentilz. Ains au contraire, en tous presches, commandemens & escrits, con- tenuz en l'Euangile & Liures des Apostres, l'obeissance à tous Princes terriens, est expres- sement commandée, voire mesme aux Roys par especiall: & cela si generalement, que nulle personne n'est exemptée d'un tel deuoir d'o- beissance, comme il apert par la sentence de *Sainct Paul*, voire escrite aux Romains mes- me, *Omnis anima sublimioribus potestatibus sit subdita*, C'est à dire: *Que toute ame soit sub- iecte aux puissances superieures*. Dedas le com-

L'autorité pre- tendue du Pape n'ellen est auouée par Christ ny ses deux Apostres Pierre & Paul.

pas de laquelle loy ou precepte, *Sainct Chrysostome*, estant Euesque de *Constantinople*, escrit que mesme les *Apostres*, *Prophetes*, *Euangelistes* & *Moynes* sont compris. Et pour preuue de l'aui de *Sainct Pierre* sur cela, (duquel ces *Papes* reclament leur autorité) il ne peut estre plus clairement explique, que quand il escrit ainsi: *Proinde subiecti estote cuius humana ordinationi, propter Dominum, siue Regi, ut qui supereminet, siue praesidibus ab eo missis*, C'est à dire: *Parquoy soyez subiects à toute humaine ordonnance, à cause du Seigneur, soit au Roy cõme au supérieur, soit aux Gouverneurs par luy enuoyez*. Par lesquels deux principaux *Apostres* de *Christ*, mais sus tout parce que *Christ* le Filz de *Dieu*, seul Maistre de verité, dit à *Sainct Pierre* & à ses compagnons *Apostres*, *Reges gentium dominantur, vos autem non sic*, c'est à dire, *Les Rois des Gentils ont gouvernement sur eux, mais vous non pas ainsi*. Ces *Papes*, leurs pretendus successeurs, peuuent apprendre de reiecter leurs arrogantes & tyranniques autoritez, en causes terriennes & temporelles sur les *Rois* & *Princes*, & exercer leur charge *Pastorale*, comme en vn mesme temps *Sainct Pierre* en fut chargé, par trois fois par son Seigneur & Maistre, *Pasce oues meas: Pae me brebis*: & luy fut expressement defendu

l'vsage

l'usage du glaiue en ces parolles, *Conuerte gladium tuum in locum suum*, ou, *Mitte gladium tuum in vaginam*: c'est à dire, *Remets ton costeau en son lieu*, ou, *Mets ton costean en sa gaine*. Tous lesquels cōmandemens de Christ & de ses Apostres, furent deuëment ensuiuis & obseruez plusieurs cētaines d'années, apres leur mort, par les fidelles & saints Euesques de Rome: & Martyrs, qui ont deuëment suyui la doctrine & humilité des Apostres, & la doctrine de Christ, & par ce moyen dilaté plus amplement les limites de l'Eglise de Christ & de la Foy, en l'espace de cent ans, que les derniers Papes n'ont faict avec leurs glaiues & maledictions, ces cinq cens ans. Or ont ils ainsi continué iusques au temps d'un Pape *Hildebrand* autrement nommé *Gregoire* septiesme, enuiron l'An du Seigneur 1074. qui premier commença d'vsurper cette espec de Tyrannie, lequel, de n'aguères, le Pape appelé *Pius* cinquiesme, & depuis *Gregoire* treziesme ont ensuiuy pour quelque patron comme il semble: à sçauoir qu'au lieu que *Gregoire* septiesme en l'An du Seigneur 1074. ou enuiron, presuma de deposer *Henry* quatriesme, qui estoit lors vn noble Empereur: *Gregoire* treziesme en ce temps veut attenter le semblable, contre la fille & heritiere du Roy *Henry* huietiesme, la

Le Pape Hildebrand à premier faict guerre contre l'Empereur, l'An 1074.

Royne Elizabeth, qui est vne fille & *Royne* Souueraine, tenant sa Couronne de Dieu immédiatement. Et afin qu'il puisse apparoir aux Princes, ou à leurs bōs Cōseillers, pour vn patron, quel fut l'heureux succez que Dieu dōna à ce bon Empereur Chrestian, *Henry*, contre l'orgueil du *Pape Hildebrand*, c'est chose notable, que quand le *Pape Gregoire*, attenta de deposer ce noble Empereur *Henry*, il y auoit vn certain *Rodolphe*, homme noble, par quelques vns nommé le Conte de *Renfield*, qui par la sollicitation du *Pape*, vsurpa le titre d'Empereur. Lequel fut vaincu par le susdict *Henry* l'Empereur legitime, & ayant ledict *Rodolphe* perdu au combat sa main droiste, se l'amettoit de son meschef à certains Euesques, qui l'auoyent suscitē au nom du *Pape*: ausquels il disoit, que la main droite qu'il auoit perduē estoit celle mesme de laquelle il auoit auparauant iuré obeissance à son maistre & seigneur, l'Empereur *Henry*: & qu'en suyuant leurs mauuais cōseils, il auoyēt amenē sus luy, vn pesant & iuste iugemēt de Dieu. Et ainsi *Henry* l'Empereur, ayāt le dessus par la puissance de Dieu, fut cause que le *Pape Gregoire* fut deposé par vn Synode en *Italie*: comme deuant luy en pareil cas, son predecesseur *Otho*, auoit deposé vn certain *Pape Iean*, pour plusieurs crimes dete-

*Iugement de
Dieu contre le
faux Empereur
establi du Pape.*

*Pape Gregoire
7. deposé par Hē.
74.*

detestables : de pareille façon furent traictez dedans peu de temps trois autres *Papes*, *Siluestre*, *Benoist* & *Gregoire* sixiesme par l'Empereur *Henry* troisieme, enuiron l'An de nostre Seigneur 1047. pour leurs semblables attentats presumptueux, en actions temporelles, cōtre lesdicts Empereurs. Plusieurs autres exemples peuuent estre monstrez à la Maiesté Imperiale, & aux Princes du saint Empire, qui sont à present, apres le temps de *Henry* quatiemes, comme de *Henry* cinquiesme, & apres luy de *Frederic* premier, & *Frederic* second, puis de *Louys de Baviere*, tous Empereurs, cruellement & tyranniquement persecutez. par les *Papes* & par leurs *Bullet*, maledictions & guerres ouuertes. Et le semblable peut estre monstre à plusieurs autres grans Rois & Monarques de la Chrestienté, touchant leur nobles ancestres Rois chacun en leur seigneuries particulieres. Par ou ils peuuent veoir, que cette espece d'autorité tyrannique es *Papes*, de faire guerre aux Empereurs & Rois, & le commandement qu'ils fussent deposez, s'auança au commencement par le *Pape Hildebrand*. Combien que cela n'eut oncques aucun exemple legitime, ny adueu des Loix de Dieu, soit du vieil soit du nouveau Testament. Mais aussi les succez de leurs tyrannies, furent par la bon-

Henry 5.

Frederic. 1.

Frederic. 2.

Louys de Baviere
Empereurs.

té de Dieu, pour la pluspart, rédus vains : comme par la mesme bonté de Dieu, il ny a point de doubte que le semblable n'auienne, à leur confusion, en tous les siecles qui viendront cy apres.

Et pourtant, comme il ny à doubte, que telles violentes & tyranniques procedures de quelque *Pape* que ce soit, pour maintenir les Traistres & Rebelles, seront empeschées par chaque Prince souuerain en la Chrestienté, pour la defence de leurs personnes & couronnes, & la manutention de leurs subiects en paix : aussi maintenant y a il pareille & iuste raison, que la Maiesté de l'Empereur & tous autres Rois & Princes souuerains en la Chrestienté, iugent le semblable estre loisible à sa Maiesté, estant *Royne* & tenant le vray rang d'un Roy & Prince souuerain, sus diuers Royaumes & nations : elle estant aussi tres-legitamment inuestie de sa Couronne, & pour le bon gouuernemēt de son peuple, estant aimée & obeye d'iceluy, avec tel applaudissement & generale approbatiō (sauf de quelques furieux Traistres & Rebelles, ou quelques malcōtens, dont nul autre Royaume n'est exempt) que par l'espace de ces vingt & cinq ans passez continuels, il a esté veu notoirement & marqué publiquement, avec admiration, mesmement
par

*Tout ce qui est
legitime aux au-
tres Princes sou-
uerains, est legi-
time à la Royne
& Couronne
d'Angleterre.*

par les estrangers conuersans en ce Royaume: tellement que sans occasion de disgrâce d'aucun Monarque ou Prince Chrestien, la felicité de sa Maiesté peut estre comparée avec la leur, qu'elle qu'elle soit. Et peut estre quelques Rois & Princes pourroyent estre bien contents, de iouir en quelque proportion de sa felicité. Et combien que le *Pape* est maintenant souffert par l'Empereur, és domaines de son patrimoine, & par les deux grans Monarques, le Roy de *France*, & le Roy d'*Espagne*, en leurs Seigneuries & territoires (bien que par beaucoup d'autres Rois il ne soit ainsi auoué) de continuer son autorité en diuers cas, & d'vsurper le titre superbe d'*Euesque* vniuersel de tout le monde (lequel, *Gregoire* le grand, environ neuf cens ans passez, disoit estre vn titre profane plain de sacrilege & l'auancoureur de l'*Antechrist*:) toutesfois en leurs Seigneuries & Royaumes (comme aussi en ce Royaume d'*Angleterre*) par plusieurs loix anciennes, il a esté bien cogneu de tres-bonne marque, en combien de sortes la puissance tyrannique de cette excessiue autorité, à tousiours esté restraincte bornée & limitée, par loix & pragmatiques, anciennes & modernes, tant en *France* qu'*Espagne* & autres Dominations, qui est vn champ bien large, aux Legistes de ces cōtrées

*Titre d'Euesque
Vniuersel est
l'auancoureur
de l'Antechrist.*

& regions pour s'y promener & faire leurs discours. Et toutes les fois que les Canonistes comme *Canonniens* du *Pape*, ont réduit effroyables à la multitude & simple peuple, ses Excommunications & maledictions, lors les grans Empereurs & Rois qui ont precedé, en matiere de leurs droicts & Royales préeminences, ores que cela ne cōcernast qu'une cité, ou pour une ville, & aucunesfois que le defaueu de quelqu'un indigne d'un *Euesché* ou *Abbaye*, n'ont iamais esté retenus qu'ilz n'ayent mesprisé toutes les maledictiōs & forces du *Pape*: Ains ont tousiours entrepris, ou par leurs espées de les cōtraindre à desister de leurs actiōs furieuses, où sans aucune crainte pour eux-mesme, de corps, d'ame, de conscience, de s'opposer hardiment à leurs maudissions, quelque fois par force, autresfois par Loix & Ordonnances. Il y a trop d'histoires anciennes touchant cela pour les reciter, & nulles plus frequētes ou de plus grand effect que des Rois de *France*. Mesme aux Registres d'*Angleterre* il appert combien les roys & la Noblesse d'*Angleterre* ont repoussé les vsurpations du *Pape* avec Edictz seueres, tellement que par un terme propre de *Premunire* ses procureurs ont esté espouuantez, & son Clergé tremblât, comme de n'agueres le *Cardinal VVolsy* en a fait

faict preuue suffisante. Mais laissant les histoires anciennes, nous nous pouuons resouuenir en nostre present & dernier siecle, de ce que manifestement a esté veu, que l'armee du dernier noble Empereur *Charles* le quint, pere du Roy *Philippe* à present regnant, ne fut point estonnée de ces maledictions: quand en l'An de nostre Seigneur 1527. *Rome* mesme fut assiegée & saccagée, & le Pape lors appelé *Clement* aiec ses *Cardinaux* en nombre d'environ trête trois, prins prisonniers au mont *Adrien*, ou chasteau *Sainct Ange*: & detenus sept mois ou plus, puis apres rançonnez par *Don Hugo de Moncada* Espagnol, & le Marquis de *Guafto*, d'environ quatre cens mil ducats: outre les rançons de ses *Cardinaux* qui furent beaucoup plus grandes: ayant aussi non pas long temps deuant, nonobstant ces maledictions, esté assiégué au mesme Chasteau, par la famille des *Coloni* & leurs fauteurs, ses prochains voisins, estans lors Imperialistes, iusques à estre contraint de ceder à toutes leur demandes.

Le Roy *Henry* second, pere de *Henry* à present Roy de *France*, environ l'An 1550. n'eut pas plus de crainte ou desgard au Pape & a sa court de *Rome*, quand il fist diuerses ordonnances bié estroictes contre plusieurs poincts des vsurpations du Pape, au preiudice de la

1527.

Rome saccagée & le Pape Clement prins par l'armée de l'Empereur.

1550.

Les Edicts du Roy Henry 2. de France contre le Pape & sa court de Rome

Couronne & Clergé de *France*, restraignant l'autorité de la court de *Rome*, au grand desauantage des profits precedens du *Pape*.

Le siege de Rome & du Pape, par le Duc d'Alue, avec l'armée du Roy Philippe.

L'armée de *Philippe* à present Roy d'*Espagne*, de laquelle estoit General le *Duc d'Alue*, ne fut non plus frappée de crainte de malediction, quand elle fut menée deuant *Rome* contre le *Pape*, en l'An de nostre Seigneur 1555. où il s'y fist de grâds ruines par ladicte armée, & tous les exquis edifices & les murailles des iardins & complants prochains de *Rome*, furent renuersez: dequoy la Saincteté fut plus espouu.intée, que suffisante à les repousser, avec toutes ses maledictions.

Le Royne Marie. & le Cardinal Pooler cōsistans au Pape.

Aussi ne fut la Royne tres-illustre *Marie*, derniere sœur de la Maiesté de la *Royne*, personne fort affectionnée à la religion Romaine, si fort effrayée des maledictions du *Pape*, que tant elle que tout son Conseil, & ce avec le consentement de tous les iuges du Royaume, selon les loix anciennes, en faueur du Cardinal *Poole* son parent, ne defendist tres-estroitement à *Calais* l'entrée de ses *Bulles* & du chapeau de Cardinal, enuoyé du *Pape*, pour vn certain plaissant Moyne de l'Obseruance, nommé *Peyto*, que le *Pape* auoit designé Cardinal en defaueur du Cardinal *Poole*. Et le Cardinal *Poole* luy mesme, pour ce coup, n'obeit point
aux

aux commandemens du *Pape* : & ne se mon-
 stra estonné, estant assisté de la Royne, quand le
Pape le menaça sus peine de maledictiō & d'ex-
 cōmunicatiō : mais s'opposa tousiours contre
 le cōmandemēt du *Pape*, pour ledict Cardinal
 pretendu *Peyto* : lequel nonobstant toutes les
 menaces du *Pape*, fut contraint d'aller c'à & là
 par les ruës de *Londres*, sans son chapeau rou-
 ge, cōme vn Moine mendiant : resistance cer-
 tes hardie en vne Royne, pour vn pource chap-
 peau de Cardinal. En quoy, elle suyuit l'exem-
 ple de son grand pere, le Roy *Henry* septiesme,
 au faict de l'Alum: où le Roy vſa de bien gran-
 de seuerité contre le *Pape*. Ainsi donc, cōment
 que ce soit, que les Princes Chrestiens pour
 quelques respects de police, peuuent endurer
 que le *Pape* commade, là où il n'en souffre dom-
 mage ny desauantage pour eux mesme : si est
 il seur, & les *Papes* ne l'ignorent point, que là
 où ils attēterōt en quelque sorte, d'vsurper sus
 les Princes Chrestiens, quelque portiō de leurs
 Seigneuries, où donneront aide à leurs enne-
 mis où quelques autres de leurs Rebelles, en
 ces cas, leurs *Bulles*, leurs maledictiōs, leurs ex-
 communications, leur sentēces & plus solem-
 nelles anathematizations, leurs croix, leurs
 clefz, leur espées à double trenchant, ne leur
 seruirōt de rien pour auancer leurs intētiōs.

*D. Peyto Moine
 mendiant.*

*Les Roys Chre-
 stiens n'ont ja-
 mais soufferts, les
 Papes entrepre-
 dre sus leurs Ti-
 tres, ou droictz,
 encor qu'ils
 les ayent soufferts
 gouverner leurs
 peuples.*

Maintenant donc que le *Pape* à manifestement attenté par ses *Bulles* & excommunications, autant qu'il à peu, pour priuer sa Ma-
iesté de ses Royaumes, de retirer de son obeis-
sance ses subiectz, de procurer rebellion en ses
Royaumes, voire tout ensemble rebellion &
guerre ouuerte, avec ses propres Capitaines,
Soldats, bannieres, enseignes, & toutes autres
choses appartenantes à la guerre: ce *Pape Gre-
goire*, ou quelque autre *Pape* apres luy, pense-
roit-il qu'une Souueraine *Royne* inuestie des
deux Royaumes d'*Angleterre*, & d'*Irlande*, e-
stablishé par autant d'années en ses Royaumes,
que trois ou quatre *Papes* ont esté assis en leur
chaire à *Rome*, fortifiée d'un tel deuoir, amitié,
force de ses subiects, ne recognoissant autre
Superieur sus ces Royaumes, que la main
puissante de Dieu, doyue estre empêchée ou
craindre de resister & redre vains ses attentats
illegitimes, soit par son espée ou par ses loix?
où de mettre ses Soldats inuaseurs de son
Royaume, au trenchât de l'espée vaillammēt?
où d'exécuter politiquement ses loix sus ses
propres subiects Rebelles, qui sont conuain-
cus d'estre les principaux instrumens de Re-
bellion & de la guerre ouuerte? Non, c'est
chose seure que quiconque, ou estant assis en
sa chaire avec la Triple couronne à *Rome*, ou
quel-

La Royne d'An-
gleterre ne peut
souffrir que le
Pape en quelque
force esmeuere
bellion en son
Royaume.

quelque autre de ses procureurs en quelque part de la Chrestienté que cē soit, renouelleront ces entreprinſes illegitimes, le Dieu tout-puiſſant, ce grand Roy des Roys, que ſa Maieſté honore & recognoiſt eſtre ſon Souuerain Seigneur & Proteſteur, duquel elle cherche de defendre les Loix, & l'Euangile de ſon Filz Ieſus Chriſt, ſans doute fournira puiſſance ſuffiſante és mains de ſa fille & ſeruant^e la *Royne Elizabeth*, pour leur reſiſter & tous enſemble les confondre.

Puis donc que les trompettes ſeditieuſes d'infameté & menſonge, ont proclamé & intitulé certains qui ont ſouffert pour Traiſon, eſtre Martyrs pour la religion, auſſi peuuent ilz à preſent ſ'il leur plaift, adiouſter à leur catalogue forgé, le corps ſans teſte, du dernier miſerable Conte *Deſmond*: chef de la Rebellion d'*Irlande*, lequel n'agueres vagant ſecrettement ſans ſecours, comme vn miſerable médiant, fut prins par vn Irlandois en ſa cabanne, & ſelon ſa ſauuage façon accouſtumée, à l'Irlandoise, ſa teſte luy fut coupée: iſſuë digne d'vn tel chef de Rebelles. Icy pareillemēt, pour reciter là fin de ſes principaux confederéz, on peut remarquer, pour exemple aux autres, la façon eſtrange de la mort du *D. Sanders*, Legat du Pape en *Irlande*, lequel auſſi errant

*Additions au
Martyrologe du
Pape.*

*La fin eſtrange
du miſerable
Conte Deſmond.
D. Sanders. Ia-
ques fils-Morice,
Iau Deſmond.*

sans secours par les montaignes en *Irlande*, mourut resuant & phrenetique. Et deuant luy vn nommé *Iaques Fits-Morice*, le premier traistre d'*Irlande*, (apres *Stukely* le tison d'enfer,) homme assez cogneu au palais du *Pape*, pour vn meschât & frauduleux traistre, fut tué d'un coup, par vn ieune noble Gentil-homme Irlandois, qui defendoit le territoire de son pere, que le traistre cherchoit de brusler. Le quatriesme homme signalé, estoit *Ian de Desmond*, frere du Comte, vn vray sanglant traistre & notable mentrrier de ses familiers amis, lequel aussi vagant par les bois, pour chercher quelque proye comme vn Loup, fut prins & decapité à la guise, estant, comme il pensoit, suffisamment armé avec des *Bulles* du *Pape*, vn certain *Agnus Dei*, ensemble vn anneau & pierre exquisite pendue à son col, & enuoyée (comme on disoit) du doit du *Pape*: mais tout cela, comme il a veu, ne luy a pas sauué la vie. Et telle a esté la fin fatale, d'eux tous, estans les *Chefs* principaux, de la guerre & rebellion Irlandoise: tellement que nul à present n'est resté, cogneu pour Traistre en *Irlande*, ceuvre certes de Dieu & non pas des hommes.

A ce nombre (s'ilz cherchent nombre) ils peuuent aussi adiouster, vn forcené ieune homme du Comté de *Warvvick*, nommé *Sommer-*
ville,

ville, pour accroistre le Calédrier des martyrs du *Pape* : lequel, de nagueres, fut descouvert, & prins en chemin, venant avec propos resolu pour tuer sa Maiesté : la vie de laquelle, Dieu à tousiours en sa garde. Cét attentat, n'a point esté denié par le Traistre mesme : mais la confessé. & qu'il auoit esté esmeu à cela en son esprit malin, par l'incitation de certaines personnes seditieuses & traistres, ses parens & al-
liez : & aussi par la frequēte lecture de plusieurs meschans liures seditieux, nagueres publiez cōtre sa Maiesté. Or sa fin a esté telle qu'il s'est estranglé & faict mourir luy mesme par desespoir : exemple de la seuerité de Dieu enuers ceux qui par violence s'esleuent contre les oinētz du Seigneur. Car comme Dieu par sa bōté à long temps preserué iusques icy sa Maiesté, de cette & semblables menées, aussi n'a elle cause de craindre estant soubs la protection d'iceluy, elle disant avec le Roy *David* au Pseaume, *Mon Dieu est mon aide, & ie me confieray en luy : il est ma protection & la force de mon salut*. Et pour le confort de tous bons subiects, contre les ombres des *Bulles* des *Papes*, il est manifeste à tout le mōde, que depuis le commencement du Regne de sa Maiesté, par la bonté singuliere de Dieu, son Royau-
me à i'ouy d'vne paix plus vniuerselle, son

*La prosperité
d'Angleterre
durant les ma-
ledictions des
Pape.*

peuple a esté accru en plus grand nombre, plus grand force, plus grandes richesses, & moins de maladies, la terre en ses Royaumes à rendu plus de fruiçts, & generallyment toute sorte de felicité mondaine a esté plus abondante, depuis & durant le temps des tonnerres, *Bulles* & malediçtions du *Pape*, qu'en aucū autre temps parauant, quand les pardōs & benediçtions des *Papes*, abordoyent d'an en an en ce Royaume: tellement que ces imprecations & malediçtions sont retournées sur luy & ses fauteurs, à ce qu'il puisse estre dit à la bien-heureuse *Elizabeth Royned'Angleterre* & à son peuple, ce qui estoit dit au *Deuteronomie* touchant *Balaam*, *Le Seigneur ton Dieu n'a point voulu ouyr Baalam, mais à tourne ses malediçtions & imprecations en benediçtions*: la raison est, *pource que ton Dieu t'ayme.*

Or combien que ces raisons precedētes sont suffisantes pour induire toutes personnes raisonnables, à approuuer les actiōs de sa Maieſté, cōme bonnes, legitimes, & necessaires: neantmoins pource qu'il peut estre, qu'aucuns qui sus vn preiudice ou preiugé desia formé, ont leurs opiniōs enracinées en la faueur du *Pape*, par la lecture frequente des faux libelles artificiellement composez & ausquels ils ont donné credit, demeureront mal satisfaiçts: pour
ceste

ceste cause, afin de satisfaire à tous, autant qu'il se peut faire, &, aussi avant que la raison cōmune le permet, monstrier que les dernieres actiōs de sa Maiesté, en l'exécution de certains Traistres seditieux, n'ont esté causées de ce qu'ilz ont tenu des opinions, soit touchāt la primauté du *Pape*, ou contre les droicts de regalité de sa Maiesté : mais pour vrais crimes de seditiō & Traison : il suffira brièvement en maniere de recapitulation des raisons precedentes, de repeter les poincts qui ensuyuent.

Premierement, on ne peut nier, que sa Maie-
 sté n'ait souffert paisiblement par plusieurs an-
 nées, les *Bulles* & excommunications du *Pape*,
 sans punition des fauteurs d'icelles, n'en faisant
 cas, sinon cōme de paroles & de vent, ou des-
 cris en parchemin appelantis de plomb, où,
 comme de bouteilles d'eau communemēt ap-
 pellées en Latin *Bulles*, & telles choses sembla-
 bles. Mais apres auoir eu quelques preuues,
 que certains temeraires & mauuais subiects, e-
 stoyēt accouragez par cela à mal faire, elle n'en
 peut lors estimer autrement, sinon que c'estoyēt
 vrais præambules, & auant-coureurs de plus
 grans dangers. Et pourtant, avec qu'elle raison
 peut déplaire à aucun, que sa Maiesté sans au-
 tre action de violence, pour vne defence nuë
 a lencontre d'eux, ait vſé de laide des prece-

*Raisons pour
 persuader les fau-
 reurs du Pape
 que nul n'a esté
 executé pour re-
 ligion, mais pour
 Traison.
 Premiere rai-
 son.*

dentes loix, remises en vigueur pour prohiber la publication ou l'execution de telle espece de *Bulles* dedans son Royaume?

Seconde Raison.

Secondement, quand nonobstant la prohibition faicte par ses loix, les mesmes *Bulles* furent en grand nombre (mais secrettement) apportées au Royaume, & à la fin arrogammēt attachées, aux portes du Palais del'Euesque de *Londres*, prez l'Eglise cathedrale de *S. Paul*, en la principale cité du Royaume, par quelque mauuais garnement, se portant en cela comme vn herault enuoyé du *Pape*: à qui peut par quelque raison deplaire, que sa Maiesté, trouuant vne forme de denunciation de guerre, comme vne defiance faicte en la principale cité, par l'vn de ses subiects, & par luy auouïe & maintenüe obstinément, ait pourueu, selon l'ordre de iustice, que le malfaieteur eust le salaire digne d'vn tel faict? Et telle fut la premiere action de punition capitale, intentée pour matieres enuoyées de *Rome*, pour esmouuoir rebellion: ce qui fut apres que sa Maiesté eut regné l'espace de douze ans & plus: temps assez suffisant pour faire preuue de sa patience.

La troisieme Raison.

Tiercement quand le *Pape* en sa cholere s'est leué hors de sa chaire, venant des parolles & des escrits aux actions, en contreuenant a l'auis donné par *Sainct Bernard* à l'vn de ses predecesseurs,

cesseurs, quand di-je il a laissé *Verbum*, & prins *Ferrum*, c'est à dire, qu'il a laissé de paistre par la parole, (ce qui estoit de son deuoir) & à commencé de frapper avec l'espée, (ce qui luy estoit defendu,) excitant directement les nobles & le peuple à vne rebellion ouuerte, ^{Rebellion au North.} (qui fut le faict de *Dathan & Abiron*), & quand ses mauuais subiects, par le commandement d'iceluy, ont executé le mesme avec toutes leurs forces qu'ils peurent amasser & mettre aux champs: Qui est-ce qui par bonne raison peut reprouuer, que sa Maiesté ait employé sa Royale & iuste autorité, & par ses forces legitimes, subiugué la puissance illegitime des rebelles: & puni les auteurs du faict, en la mesme sorte que le *Pape* mesme le pratique à l'endroit de ses propres subiects rebelles, en son patrimoine de l'Eglise: comme depuis peu de mois en c'a il a esté contraint dy penser? Que si le Prince de quelque peuple en tout le monde, vouloit autrement m'espriser son office, & souffrir ses subiects faire à leur volonté, nul n'auroit pitié de luy, si par defect de résistance & courage, il perdoit ensemble sa Couronne, sa teste, sa vie, & son Royaume.

Quartemét quand sa Maiesté à veu vn plus grand accroissement de la malice du *Pape* (non-^{Quatriesme Raison.} obstant que la premiere rebelliõ vers le *North*

estoit esteinte) en ce qu'il entretenoit hors le Royaume, les traistres & rebelles fugitifz pour rebellion, avec toute là racaille des autres fugitifz hors du Royaume, desquels il enuoyoit certain nombre en habits desguisez, és deux Royaumes *d'Angleterre & Irlande*, qui secrettement induisoient la le peuple, à nouuelles rebellions : quand elle à veu qu'au mesme temps, il n'espargnoit ses moyens, pour enuoyer aussi *d'Italie* par mer, certains nauires avec ses Capitaines propres, & ensemble leurs bandes & Soldats, fournis de thresor, munition, victuailles, enseignes, bannieres & autres choses requises à la guerre, en son Royaume *d'Irlande*, là où lesdictes forces, avec autres compagnies venues *d'Espagne* à leur secours, se terrassoyēt & fortifioyent fort & ferme, sus là coste de la mer, & proclamoyent guerre ouuerte, dressans là banniere du *Pape* contre sa Maiesté : Tel estant l'estat des affaires, peut il point estre demandé à ces fauteurs de l'autorité Romaine, que c'est qu'avec raison il pouuoit estre fait par sa Maiesté, autrement, premierement que d'apprehender tous les fugitifz ainsi furtiuement entrez dans le Royaume, & dispersez en habits deguisez pour semer sedition, aucuns comme Prestres en leur secrette profession, mais tous en leur

L'inuasion d'Irlande par le Pape,

appareil comme voleurs & ruffiens : aucuns escholliers semblables au moindres du commun peuple: puis estās emprisonnez, sur l'examen de leur menées & hātises, les conuaincre par le tesmoingnage de leurs propres compagnons, de leurs conspirations au dehors, & de leur semence de sedition, au dedans du Royaume? Que peut-on, di-je, estimer raisonnablement estre conuenable de faire avec telles personnes seditieuses, sinō. par les loix du Royaume, de les examiner, condamner & executer? & nommécement eu esgard au temps dange-reux, auquel les forces du *Pape* estoient au Royaume d'*Irlande*, prestes d'estre suyues de plus grandes, aussi bien en *Angleterre* comme en *Irlande*? Pour ausquelles resister, sa Maiesté & son Royaume, furent forcez d'entrer en plus grandes charges, qu'elle n'auoit faiēt, depuis qu'elle en estoit *Royne*. Ainsi dōc, par la puissance que Dieu luy à donnée, d'une part, elle à par ses loix reprimé les seditieux soufflets de rebellion en son Royaume d'*Angleterre*: & par son espée deffaiēt toutes les forces du *Pape* en son Royaume d'*Irlande*, excepté certains Capitaines de marque, qui furent sauuez du glaiue comme personnes qui renonçoient à ceste querelle, & sembloient maudire ou blasmer ceux qui les auoyent en-

*Les forces du
Pape desfaictes
en Irlande.*

56 L'EXECVTION DE IVSTICE
uoyez , à vn si mal-heureux & desesperé
voyage.

*Les aduersaires
politiques satis-
faits.*

Mais combien que ces raisons , fondées sus
regles de discours naturel , satisferont vn grād
nombre des aduersaires , qui confesseront que
par bon ordre de ciuile & Chrestienne police
& gouuernement , la Maiesté ne pouuoit ny
ne peut moins que ce qu'elle à fait : Premie-
rement de subiuger avec force les rebelles &
traistres , puis par ordre de ses loix chastier
leurs fauteurs & partizans , & finalement met-
tre au fil de l'espee , les forces que le *Pape* auoit
enuoyé en ses Seigneuries : Toutesfois il y a
certaines autres personnes , plus tendrement
affectionnées au *Pape* , qui sembleront encores
n'estre satisfaites : pource que (selon qu'ils en
parlent ,) vn nombre de simples pouures mi-
serables , ont esté mis à mort comme traistres ,
n'estans d'autre profelsion que d'escholiers ou
Prestres , soubz le nom de *Seminaires* , *Iesuites*
ou simples maistres d'Eschole : qui ne sont
point venus au Royaume avec armes ou ba-
stons , pour aider par force aux rebelles & trai-
stres , soit en *Angleterre* ou en *Irlande* en leurs
rebellions ou guerres. De laquelle sorte de mi-
serables on à compassion , comme si pour là
contrarieté d'opinions en la religion , ou pour
enseigner le peuple à desobeir aux loix du
Royau-

*Obiection des
Papistes que les
executez estoient
seulement escho-
liers sans armes.*

Royaume, ils pouuoient auoir esté autremēt punis & chastiez, non toutesfois de peine capitale. Ceste espee de defence, tend plustost à trouuer quelque faute en la seuerité de leur punition, que de les absoudre comme innocens & paisibles subiects. Mais, pour responce, avec plus ample satisfaction de ces delicats & scrupuleux fauteurs des traistres, on leur peut avec raison demāder (si du moins ils veulent ouurir leurs oreilles à la raison) quel est leur iugement quand vn Roy estably en son Royaume, descouure quelque rebellion premierement pratiquée en secret, puis apres ouuertement suscitée en son Royaume, par ses propres subiectz seditieux: & quand par vn estranger Potentat ou ennemy, ceste rebellion est maintenüe, & les rebelles par messages & promesses incitez à continuer, & que leurs traisons contre leurs naturelz Princes sont auoüées, & consequemment, quand le mesme Potentat & ennemy, estant autheur de ladicte rebellion, avec ses propres forces, vient à inuader le Royaume, & les subiects du Prince qui est si legitimement & paisiblement en possession? En ces cas di-je, les subiectz fauorizans les rebelles & rendans obeissance à l'ennemy agresseur, ne seront-ilz point atteints & & punissables comme traistres, mais seulemēt

*Plusieurs sont
traistres encoras
qu'ilz n'ayent
armes ny baston.*

ceux d'entre eux, qui seront trouuez ouuerte-
ment porter armes & bastons? Ne sera point
le subiect espion & explorateur pour le rebel-
le & l'ennemy, cōtre son Prince naturel, prins
& puni cōme traistre, pource qu'il n'est point
trouué avec armes: mais cependant sera prins
en habit deguisé, avec rolles & escrits ou au-
tres indices manifestes, pour le prouuer estre
espion des traistres: apres qu'il aura fureté clā-
destinemēt le Camp, la Region, la Cité, la cour
de son Souuerain? Ne seront point les sub-
iectz contéz pour traistres, qui dōnerōt secret-
tement de l'argent contēt, à quelques vns pour
estre rebelles & ennemis, où qui attenteront
d'empoisonner les victuailles où les fontaines,
où mettront secrettement le feu és nauires &
munitions, où qui recercheront & sonderont
clandestinement les Haures & appors, pour a-
border en terre? Où bien mesureront la pro-
fondeur des fossez, où la hauteur des Boulovars
& murailles: pource que les malfaicteurs n'au-
ront esté trouuez avec armes ou bastons? La
responce à mon aduis doit estre rendue (si la
raison & l'experience, peuuent seruir de regle
aux aduersaires) que tous ceux-cy & leurs
semblables, doyuent estre punis comme trai-
stres. Et la principale raison est, pource qu'il
ne se peut nier que les actions d'eux tous, ne
soyent

soyent accessaires necessaires ; & proprietez inseparables , pour auancer & continuer toutes rebelliōs & guerres. Que s'ilz veulent nier qu'aucun soit traistre, sinon qu'il soit armé, ilz feront que *Judas* ne sera point traistre , lequel est venu à Christ sans armes , couurant sa traison d'un baiser.

Maintenant donc, il reste d'appliquer les faictz de ces derniers mal-faicteurs, qu'on pretent n'auoir failli sinon comme escholliers, libraires, où, tout au plus, comme personnes qui seulement par paroles & doctrine & non avec armes fauorizent & aident les rebelles & ennemis. Pour lequel propos, que telles personnes soyent qualifiées, selon qu'il leur plaist, *Escholliers, maistres d'Escholle, Libraires, Seminaires, Prestres, Iesuites, Moynes, Bigots, Romanistes, vendeurs de Pardons*, où tout ce que vous voudrez : ny leurs titres, ny leurs habits ne les ont point faictz Traistres: mais leurs secretes machinations & pratiques de traison. Leurs personnes n'ont point faict la guerre, mais leurs adresses & conseils, ont fuscité les rebellions. Et pour vray ce sont-cy choses biē à pezer. La vraye cause finale, de ces rebelliōs & guerres, a esté, de deposer la Maiestté de la Couronne: Le *Pape* à faict bruyre le son de la *Bulle* pour cēt effect. Les causes instrumētales,

*L'Application
des Traistres Es-
cholliers & au-
tres Traistres.
sans armes.*

font, cette espee de *Seminaires* & *Semeurs* de sedition, leurs secrets enseignemens & reconciliations en ont osté toute doubte: Les fruiets & effectz de tout cela, c'est par rebellion, d'espandre le sang de tous les fidelles subiects de sa Maisté. Le salaire des vsurpateurs, (s'ilz pouuoient preualoir) seroit, d'exhereder toute la Noblesse, le clergé, & toute la communauté, qui voudroyent (comme ilz sont tenus par les loix de Dieu, par leur naissance & sermens) defendre leur naturelle & gracieuse *Royne*, le País de leur naissance, leurs femmes, leurs enfans, leurs familles & leurs maisons. Or maintenant, examinez ceux-cy que vous appelez vos *Escholliers* & *Prestres* d'esarmez, pourquoy ilz ont premierement fuy hors du Royaume là où ilz viuent & conuersent en la compagnie des principaux Rebelles & Traistres à *Rome*, & autres places: où il est verifié qu'ils ont esté participas de leurs conspiratiōs. Qu'on responde pourquoy ilz sont venus furtiuement en ce Royaume, pourquoy ilz ont tracassé haut & bas, deguiséz par changement de titre, & noms & maniere d'habits? Pourquoy ilz ont incité & cherché de persuader par secrettes & fauces raisons, le peuple, d'aloüer & croire que toutes les actions & attentats du *Pape*, quels qu'ilz soyent, faictz où à faire, sont legi-

legitimes? Pourquoy en leurs conuenticules ilz ont reconcilié & distraict si grand peuple, des loix du Royaume, à l'obeissance du *Pape*, qui est vn Potentat estrangier & ouuert ennemy: qu'ilz scauent auoir desia déclaré la *Royne*, n'estre legitime *Royne*, auoir maintenu les Rebelles & Traistres cogneus, auoir inuadé avec guerre ouuerte, les Seigneuries de sa Maiesté?

Examinez d'auantage, ce que ces vagabons, desguisez, defarmez espions ont respondu, quand ilz ont esté prins & enquis ce qu'ilz pe-
 foyent, de la *Bulle* du *Pape Pius* cinquiesme, publiée pour deposer la Maiesté de la *Royne* & auoüer ses subiectz à luy desobeir.

Six questions pour esbrouter les traistres, d'Esre les Escholiers.

Sçauoir s'ilz iugent que tous subiectz doy-
 uent obeir à ladicte *Bulle*, & ainsi se rebeller.

1

Secondement, s'ilz estiment sa Maiesté estre
Royne legitime du Royaume, nonobstant ladicte *Bulle*, ou quelque autre *Bulle* du *Pape*.

2

Tiercement, si le *Pape* peut donner toute licence comme il a faict, aux Comtes de *Northumberland* & *Westmerland*, & autres subiectz de se rebeller, cōme ilz ont faict: où donner congé au *D. Sanders* né subiect naturel, mais vn desnaturé Prestre decrepiteux, de prendre les armes & esmouuoir guerre, comme il fit en *Irlande*.

3

Quartement, sçauoir si le *Pape* peut deschar-

4

ger les subiectz de sa Maiesté, où d'aucuns autres Princes Chrestiens, de leurs sermens d'obeissance.

5 Pour le cinquiesme, si ledict Prestre traistre *Sanders*, où vn certain *Bristouue*, rebelle fugitif, ont escrit en leurs liures, veritablement ou fausement, en approuuant ladiete *Bulle* de *Pius* cinquiesme, & le contenu d'icelle.

6 Finalmente, ce qui seroit à faire, si le *Pape* ou quelque autre designé par luy vouloit inuader le Royaume d'*Angleterre*, & quel parti ilz voudroyent prendre, où quel parti deuoyent suyure, les fides subiectz de sa Maiesté.

A ce peu de questions, fort propres pour esprouuer la verité ou fauseté de telles personnes seditieuses, estés desja iustement condamnés pour leurs desloyautez, ces meschans (di-je) traistres desarmez, ny veulent en façon quelcōque respōdre directemēt, comme tous autres fides subiectz de tous Princes Chrestiens, sont tenus de faire. Et toutesfois combien que sus le seul refus de respondre directement à ces questions, ilz pouuoient iustement estre conuaincus, cōme coupables de Traison: Neantmoins, si n'ont ilz pas esté condamnés sur cela, mais pour toutes leurs autres actions precedentes, commises tant dehors que dans le Royaume, qui n'estoyent pas moins actes de
 trai-

*Mal-faiteurs
 exercez pour
 traison, non pour
 Religion.*

traison, que de toutes les autres especes de traistres, & de *Judas* luy mesme cy dessus mentionné, qui n'auoyent armes ny bastons, & qui neantmoins, en tous temps, doyuent estre iugez traistres.

Car ces hommes déguisez (appelez Escholliers & Prestres) ayans conuersé premieremēt par vn long temps delà la mer avec les traistres, en toutes leurs conspirations, sont icy venus furtiuement en temps de guerre & rebellion, par le commandement du Capital ennemy, le *Pape* ou ses Legats, pour estre espions secrets & explorateurs du Royaume, en faueur du *Pape*, pour deliurer en secret des marques de *Rome*, cōme si ceussent esté arres ou gages, à ceux qui seroyēt tous prestz de se ioindre aux rebelles ou ennemis ouuers : & en telle sorte, avec leurs saintes bagatelles de *Rome*, empoisonner les sens des subiectz, versans dedans leurs cœurs, des malicieuses & pestilētes opinions, contre sa Maiesté & les loix du Royaume : Ilz sont venus pour allumer & mettre le feu és cœurs des subiectz malcontents, avec les flames de rebellion : & ainsi chercher & sonder le profond & secret des interieures intentions de tous hommes, soit contre ou pour sa Maiesté : iusques à porter finalement en vn Catalogue, comme si c'estoit vn rolle de monstres,

les noms & la puissance, avec la demeure de tous ceux qui seroyent prests à se rebeller & ayder l'inuasion foreine. C'est ceste espee de seditieuses actions, pour le seruice du *Pape* & des traistres & rebelles au dehors, qui les à réduits traistres: & non pas leurs liures & chappelts, ny leurs tourteaux de Cire, qu'ilz appellent *Agnus Dei*, ny leurs rogatons, ny mesme leurs opinions, pour les ceremonies & obseruations de l'Eglise Romaine. Et pour ceste cause, il se doit assuremēt conclurre, que ceux-cy ont iustement deserui leur capitalle punition, cōme traistres, encores qu'ils ne fussent apprehendez avec bastons & armes ouuertes.

Maintenant, si cette derniere repetition, quasi de toutes les principales causes & raisons cy dessus recitées, ne peut seruir pour fermer les bouches impetueuses, les langues pestilentes, & haleines veneneuses de ceux qui sont infectez de si lourds erreurs, que de maintenir les subiectz seditieux, & flambeaux de sedition, contre leur Prince naturel & leur país: lors doyuēt ils estre laissez, sans autres plus amples argumens, au iugemēt de Dieu tout-puissant: comme gens qui ont conuert leurs yeux contre la lumiere du Soleil, estoupe leurs oreilles au son de la Iustice, & reserre leurs cœurs, contre la force de la raison. Car (comme

Ceux qui sont
deraisonnables
& obstinez doy-
uent estre laissez
au iugement de
Dieu.

medit le Psalmiste) *Ilz parlent mensonge, ilz sont venimeux comme le poison du serpent, voire comme le sourd Aspic, qui estoupe ses oreilles.*

Parquoy, concludant par la charité Chrestienne, si ces rebelles & traistres & leurs fauteurs, vouloyent prendre quelque remors, & compassion de leur propre Patrie, s'ilz consideroÿent combien vaines ont esté leurs entreprinſes par tant d'années, sans qu'aucun de leurs attentats ou complots ait iamais succédé, & combien de leurs confederez ont esté destruits, par miseres & calamitez, & ainsi vouloyent desister de leurs desnaturees pratiques au dehors, & si ces *Seminaires* vagabonds en secret, & espions en recontres, vouloyent employer leurs labours, en oeuvres de lumiere & doctrine accordante à l'usage de leurs escholles, se contentans eux-mesmes de leur profession & deuotion: Si le demeurant du meschant troupeau des semeurs de sedition, vouloit desister de ses rebellions & desesfayx & infames brocards & diffames, du tout contraires à la charité Chrestienne: Il ny a point de doute, par la grace de Dieu (sa Maieſté estant si pieuſe & compaſſion, & affectionnée à la paix) que toute apparence & occasion de plus grande effusion de sang des subiects naturels en ce pais, voire toute poursuite de punition corporelle, ne cessast entie-

rement. A l'encontre de la malice desquels,
(s'ilz ne desistent,) le Dieu tout-puissant vueil-
le donner par son Esprit & puissance, à sa Maie-
sté, continuation de Regner & de viure en sa
crainte, & d'auoir le moyen de les vaincre, es-
tans tous ennemis de Dieu, & speciallement
les Rebelles & Traistres, tant au dedans com-
me au dehors, & de maintenir & preseruer
tous ses amateurs & naturels subiectz, pour le
seruice d'iceluy Dieu tout-puissant, selon sa
parolle & volonté.

Plusieurs autres choses pourroyent estre al-
leguées pour la defence des actions dignes de
Princesse, honorables, & saintes de sa Maie-
sté, en plusieurs autres poincts, esquels aussi
ces breueteurs & leurs semblables, ont n'a-
gueres sans aucune honte cherché par faulx &
contromués libelles de diffamer sa Maieité &
son gouuernement: mais pour cette heure, ces
premières causes & raisons alleguées par for-
me d'aduertissement, & seulement pour mainte-
nir la verité, sont suffisantes pour iusti-
fier les actions de sa Maieité à
tout le monde, les poincts
mentionnez.

Veritas magna est, & preualet.

La verité est grande, & la plus forte.

I



FINIS

DECLARATION

I, the undersigned, do hereby declare that the foregoing is a true and correct copy of the original as the same appears in the records of the Court of the said County of [] State of []

Witness my hand and seal of office this [] day of [] 19[]



DECLARATION

DV TRAICTEMENT FA-
VORABLE, DES COMMISSAIRES
de sa Maiesté, ordonnez pour l'Exa-
mination de certains Traictres: & des
Tortures & Questions, qu'on a fau-
cement divulgé leur auoir esté
données pour le faict
de la Religion.

TRADVICTE AVSSI

D'Anglois en François.



E. iij



AV LECTEUR.

AMY Lecteur, encores que le gou-
uernement tres-doux & gracieux
de sa Maiesté, soit suffisant pour
la defence de soy-mesme, contre le
diffame de la tyrânie paganesque & barbare, &
des cruelles tortures qu'on pretend auoir esté dô-
nées à certains Traistres, qui n'agueres ont pati
pour leur traison, & autres: & lesquelles ont esté
aussi bien diuulgüées, par les Apostars Iesuites
& Seminaires en leur seditieux liures, lettres
& libelles, par les pays estranges & cours des
Princes, comme insinuées és cœurs d'aucuns de
nos compatriots & subiects de sa Maiesté: Neât-
moins pour mieux te satisfaire, j'ay conseré avec
un fort honnestes Gentil-homme, lequel ie cognoy
auoir bon & suffisant moyen contre tels forgeurs
de mensonges & impudens calumniateurs en ce
faict de declarer la verité, laquelle & luy & au-
tres qui cognoissent & afferment le mesme, se-
ront tousiours prests de iustifier. Or pour te redre
plus certain & asseuré touchant cela, il à expose
a la veüe de tous hommes, les aduertissemens
qui ensuyuent.

QVAND



VAND à ce qui cōcerne la Torture & les tourmens qu'on à employez à l'endroit de quelques Traistres & pretendus Catholiques, on afferme pour verité & avec offre de le prouuer, par inquisition suffisante, qu'ils ont esté tels qu'il s'ensuit.

Premierement que les façons de Torture, en leur seuerité & rigueur d'exécution, n'ont point esté telles, ny exercées en la sorte que les calumniateurs & seditieux escriuains ont scandaleusement & malicieusement publié: & que *Campion* luy-mesme, principal entre les mal-faïcteurs, enuoyé & venu de *Rome*, qui à continué en diuers coins de ce Royaume, à fureter en habit deguisé, la plus grand' part des prouinces d'*Angleterre*, en intention de dresser vn preparatif notable de Traisons: Qui pour l'auancement de ces siens desseings, afin d'auoir plus d'aide & d'assistance, auoit esté enuoyé delà là mer: Qui deuât que de retourner de *Rome*, par grande finesse & traison, procura souffrance du *Pape* pour ceux qui seroyēt disposez à rebellion, de se tenir clos & couuerts, sous le pretexte d'une obeissance à sa Maïesté, concédée pour vn temps, (l'estat des affaires estant tel qu'il est) pourueu qu'aussi tost qu'il y auroit forces suffisantes, par lequel-

les la *Bulle* de la deposition de sa Maieſté, peult
estre publiquement executée, lors ils se ioin-
gnissent ensemble avec ces forces, sus peine
d'excommunication & malediction: Ce bon
Campion, di-je, deuant la conference qu'eurent
avec luy en la Tour certains hommes doctes,
avec comportement charitable, ne fut oncques
tellement geenné, qu'il ne fust sus l'heure prest
de marcher & d'escrire: comme tout à l'heure
presente, il escriuit & soubz-scriuit toutes les
confessions, ainsi qu'il en peut apparoir par les
originaux. On faict aussi vn cas horrible, de
la famine d'un *Alexandre Briant*, qui auroit
mangé de la bouë tirée d'une muraille, & re-
cueilly de l'eau à boire, du degout des mai-
sons, & de telles autres marques d'inhumani-
té. Mais pour ce regard, la verité est telle, que
toutes les fois que *Briant* à souffert par defect
de nourriture, il là souffert volontairement, &
par vne impudence extreme d'obſination,
contre l'intentiõ & desir de ceux à qui il auoit
affaire. Car certains escriis de Traison ayans
esté trouuez à l'entour de luy, il fut estimé con-
uenable, par conference descritures, d'entendre
de qui estoient ces escriis. Et sur cela estant
commandé de par sa Maieſté descrire, cõme il
le pouuoit fort bien faire, en luy estant permis
descrire ce qu'il vouldroit, en ces termes, que
s'il

s'il ne luy plaisoit descrire vne chose, il luy estoit loisible d'en escrire vne autre à son gré: (ce qui estoit de son deuoir, en estant chargé au nom de la Maiesté, & le refuser, estoit desobeissance.) Neantmoins cét homme, par nuls moyens, ne peut estre induict à escrire chose quelconque. Lors donc il fut commandé à son Geolier, de luy donner pour toute viande & bruuage & autres necessitez, ce qui luy seruiroit pour escrire: & defendu de luy donner aucune chose, dont il ne voudroit escrire. Mais *Briant*, estant aduertý de cela & souuent incité à escrire, choisit plustost, persistant en son cœur maudiët, d'auoir faute de nourriture presque par deux iours & deux nuiët, qu'en escriuant, auoir sa refection, comme il pouuoit auoir promptement, & comme il l'eut defaict incontinent & plantureusement, si tost qu'il eut escrit. Or ce qui a esté dit de ces deux, il peut aussi veritablement estre dit des autres, avec cecy, qu'en cét affaire, on a eu vne perpetuelle sollicitude, & que les gardes, & officiers de la *Royne*, qui ont la charge de manier les Geennes, furent tousiours expressement chargez, par ceux qui faisoient les examinations, de les traicter aussi charitablement, que tel affaire le pouuoit porter.

Secondement, on dit, avec offre pareillemēt

de le prouuer, que iamais aucuns de ces *Seminaires* ou tels autres pretendus Catholiques, lesquels en quelque temps que ce soit du regne de la Maiesté, ont esté mis sur la Torture ou Question, ne furent enquis d'aucun point cōcernant leur pretenduë conscience, cōme touchant ce qu'ilz croyent de quelque point de doctrine ou de Foy, soit de la Messe, Transubstantiation, ou autre semblable: mais seulement avec quelles personnes & dedans & dehors le Royaume & de quels complots pratiques & conferences ilz auoyent traité, soit pour attenter à la personne & Estat de la Maiesté, où pour alterer les loix du Royaume en matiere de Religion, par Traison où par Force: & cōment ilz estoient persuadez en eux mesme, où persuadoient les autres, touchant la *Bulle* & pretension d'autorité du *Pape*, pour deposer les Rois & Princes, & nommément pour deposer la Maiesté, & descharger ses subiects de leur obligation. Et sur cela la puissance & les Estats Royaux, & l'obligation politique des subiects ont tousiours esté specifiez, sans faire aucune mention ou comprendre en cela, aucun droit que la *Royne* ait, par titre de la Couronne, sus les personnes Ecclesiastiques, qui sont ses subiects: En tous lesquels articles, *Campion* & les autres iamais ne respondirent ou-
uer-

uertement, mais par sophisterie, tromperie & traison, reſtraignants leur confeſſion touchant l'obligation des ſubieſts, ſeulement à la forme de la permiſſion & ſouffrance du *Pape*. Comme, pour exemple, ſ'ils eſtoient enquis à ſçauoir, ſ'ils ſe recognoiſſoyent ſubieſts de la *Royne*, & luy vouloyent obeir, Ils reſpondoient Ouy: car ilz auoyent congé, de le faire ainſi pour vn temps. Mais paſſant outre en cette queſtiō, & eux eſtans enquis ſ'ilz la vouloyent ainſi recognoiſtre, & luy obeir plus long temps, que le *Pape* ne leur voudroit permettre, où, nonobſtant tel commandement que le *Pape* voudroit ou pourroit donner au contraire: Lors ou ilz reſuſoyent vne telle obeiſſance, où ne vouloyent reſpondre, où bien diſoyent qu'ilz ne pouuoient reſpondre à ces queſtions ſans danger. Laquelle ſeule reſponce, ſans parler d'auantage, eſtoit vne reſponce ouuerte, à ceux qui ont le diſcours de la raiſon, qu'ils ne vouloyent eſtre ſubieſts ny perſuader les autres, de l'eſtre plus long temps, que le *Pape* en donneroit licence. Et en la deciſion publique de leur cauſe, quand ilz s'eſforçoient de laiſſer és eſpris du peuple & des aſſiſtans, vne opinion qu'il leur falloir mourir, non pour traiſon, mais pour matiēte de foy, & de conſcience en la doctrine, qui touche

le seruice de Dieu, sans auoir rien attenté ou desseigné contre sa Maiesté : ilz s'escrioyent, qu'ilz estoient fidelles subiectz, obeissans & voulans obeir & seruir à sa Maiesté. Mais sus le champ, pour esproouuer si cét hypocritique & sophistique propos, s'estendoit à vne perpetuelle obeissance de leur part, ou bien autant de temps que le *Pape* le permettoit ainsi, ou non : ilz estoient publiquement enquis en la place du Iugement, par le docte Conseil de la *Royne* : A sçauoir, s'ilz vouloyent obeir & estre fidelles subiects, où cas que le *Pape* commandast le contraire : Lo's plainement ilz se descouuroyent eux mesmes par leur responce, disans par la bouche de *Campion* : Ceste place (entendans le siege Iudicial de la Cour de sa Maiesté) n'a nul pouuoir d'enquerir où iuger de l'autorité du *sainct Pere* : & ne voulurent oncques faire autre responce.

3

Tiercement est à noter, qu'aucun d'eux n'a esté mis sus la Geenne ou Torture, non pas mesme pour matiere où participatiō de Traison, ou chose semblable, qu'il ne fust premierement cogneu, & rendu probable euidement, par precedētes descouuertes, confessions & autrement, que la personne ainsi Geennée ou Torturée estoit coupable: cognoissant & pouuant declarer la verité des choses dont elle

elle estoit chargée: tellement, (comme il a
esté premierement asseuré,) que nul innocent
n'a oncques esté tourmenté, ny iamais la Tor-
ture n'a esté employée, pour extorquer des
confessions à tors & à trauers, sus des incertai-
netez: En quoy faisant, il eust peu estre, que
quelque innocent, en ce cas, eust peu esté
Geenné.

Quantement que nul d'eux n'a esté mis sus
la Question ou Torturé, sinon que premiere-
ment en paroles expressees ou equiuallentes, il
eust dit qu'il ne vouloit dire la verité encor-
que la *Royne* luy commandast. Que si quel-
qu'un d'entr'eux estant examiné, disoit qu'il
ne scauoit ou ne s'en souuenoit, & qu'il le vou-
lust affermer en la sorte que les Chrestiens en-
tre les Chrestiens sont ordinairement treuz:
vne telle responce estoit acceptée, pourueu qu'il
ny eust vne chaire & euidente preuue, que de
plain uolonté il eust parlé fausement. Mais
s'il disoit que la responce, en declarant la veri-
té, endommageroit quelque Catholique, &
ainsi seroit vne offence contre la charité, (ce
qu'ilz disent estre peché :) & que la *Royne* ne
leur peut commander de pecher: Tellement
que quelque chose que la Maicste comman-
dast, ilz ne voulust dire la verité, laquelle on
scauoit bien estre par luy cogneue: En ce cas,

ou pour quelque semblable effect, ilz estoient
lors mis sus la Torture & non autrement.

5 Pour le cinquiesme, la procedure en la Torture a esté tousiours si lente & peu volontaire, & avec tant de preparations pour les persuader de s'espargner eux mesmes, & ainsi par diuers moyens leur faire cognoistre qu'ilz deuroient dire la verité, tant par deuoir enuers sa Maiesté, que par sagesse pour eux mesmes: Que quiconque estoit present à ces actions, doit recognoistre és ministres de sa Maiesté, vn propos resolu, d'ensuyre l'exemple de la disposition tres-benigne qui est en elle, laquelle Dieu vueille long temps preseruer.

Ainsi il appert, que combien que par les loix plus communes de toutes nations, l'usage de la Torture a esté & est iugé legitime, en cas de moindre importance: voire & d'une façon beaucoup plus aspre, pour l'inquisition de la verité, en crimes qui n'aprochent pas si pres d'un danger publicq, que celui qui a esté commis, par ces hommes detestables: les conspirations desquels & particularitez d'icelles, il importe si grandement & est du tout expedient de decouvrir: Neantmoins, encores en cet usage necessaire d'une telle procedure, forcée par l'obstination notoire des malfaieteurs, est à recognoistre d'une part l'inclination naturelle

nt
r-
e,
a-
i-
e-
rs
s:
s,
é,
la
l-
cs
re
s
n
a
s
a-
l-
il
t
t
e
t
e

relle à benignité, de la Clemēce douce & gra-
tieuse de sa Maiesté: & d'autrepart combien
est à condamner de tant plus, la malice infame
de ceux, lesquels en faueur de tes malfai-
cteurs detestables, & Traistres obstinez, ont
semé des faux & scandaleux bruiets, pour ren-
dre son gouuernement tres-bening desagrea-
ble, soubz fauces pretences & rumeurs d'ai-
greur & cruauté, enuers ceux, contre lesquels
rien ne pourroit estre cruel, & ausquels
toutesfois rien n'a esté faict, qui
ne resente sa douceur &
misericorde.

* * *

F I N.

